

ԵԼԱԿՐԻՄԻԱՆ ՄԱՍԻՆ

ՄԱՅՐ ԱԹՈՒ ՍՈՒՐԲ ԷԶՄԻԱՑՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԸ

Վեհափառ Տեր,
Ի խորոց սրտի շնորհավորում ենք Ձերդ Սրբության
ծննդյան տոներ...

Աշխարհաքաղաքական սպառնալիքների ու մուծ
գործընթացների այս ժամանակներում, երբ մեր հայ-
րենիքը շարունակում է տոկալ գոյություն ունեցող
գոյն իրավիճակում, Ամենայն Հայոց Կաթողիկոսը՝
աստվածափրության և հայրենաշինության իր ուխտը
և անձանձիր առաքելությամբ, նույնպես հաղթահա-
րում է փշե ճանապարհ:

Աստվածընտրի խնամախոսություն, հերոսական կամք ու
արիություն են պետք՝ դիմագրավելու և դիմադրելու
բոլորազոր փորձություններին, անկումների խորխո-
րատներից հայրենիքի փրկության վերելքն առաջնոր-
դելու և ազգի գոյությունն անխորտակ պահելու:

Ձեր հովհապատեության գահակալությունը գուցադի-
պեց մեր ժողովրդի պատմության շրջադարձային պա-
հերի՝ քաղաքական ու ողբերգական մեծ բեկումներով,
և անսխալական լինելու բացարձակ պատասխանատ-
վության բեռը կրեցիք որպես Հայրապետ ու հոգևոր
առաջնորդ՝ ջանք չխնայելով պատենելու կործանա-
րար հորձանուտների ընթացքը և բոլոր պարագանե-
րում հորիզոնում ունենալով անկասխ, հոգևոր, գործող
Հայաստանի վառ տեսիլը՝ պատմական սահմաններով
ու քրիստոնյա հոգեկերտվածքով...

Ձերդ Վեհափառության ողջախոհությունը, ան-
հոգևաբեկ եռանդն ու անձնադիր նվիրումը տարիներ
շարունակ ի սպաս եք դրել մեր փրատակված և կիսա-
վեր աղոթատեղիներն ու տանարները վերակերտելու

ու բարեգարդելու տիրաշնորհ գործին և նույն ոգով ու
մտքով այժմ պայքարում եք՝ պաշտպանելու զանա-
հարկող ՀԱՅ ՈԳՈՒԲ ամբողջ, կանխելու-կասեցնելու
մեր հայրենիքի ու ժողովրդի նորագույն խաչելությունը
և մահը:

Փոյթ չէ, թե այդ ճանապարհին արժանանում եք հա-
րածանքների ու փշե պատկի. դա իսկատիպ առաջնոր-
դի ճակատագիր է. նրանք են և՛ փառքի դափնիները, և՛
փշե պատկը, ընտրյալ առաջնորդն իր ուսերին կրում է
և՛ ոսկե ծիրանին, և՛ չարչարանաց խաչը...

Պատմության ու ժամանակի քննության առջև վաղ
թե ուշ կանգնում են ազգն առաջնորդելու բարձրա-
գույն իրավունք ստացած բոլոր անհատները, և յուրա-
քանչյուր՝ ըստ յուր գործի: Գործն է անմահը, և բարի
գործն է այդ անմահությունն օրհնություն ու պարգև
դարձնողը: Ձերդ Վեհափառության ժառանգությու-
նը հայրուրափոր շեն ու դողանջող եկեղեցիներն են՝
պայծառակերպված Մայր Տաճարի թագապսակով:
Ձերը վասն Աստծո և հայրենիքի անխնայ գործունեու-
թյունն է, այն շնորհագար խնամախոսությունը, որով Ձեր
գահակալությունը նշանավորել եք հարարժեք գործե-
րով՝ քարեղեն տանարներից մինչև ոգեղեն դպրանոց-
ներ, քրիստոնյա բարեգործություններից մինչև հայրե-
նատեր ու հայրենապահպան գործեր, հոգևոր ներուժի
գորացումից մինչև եկեղեցական համակարգի կայուն
գարգազում:

Վեհափառ Տեր,
Թող Ձեր վեհաշուք ներկայությունն այսուհետ ևս
փառագարդի Հայոց Եկեղեցու խորանները, թող Սուրբ



Հոգու շնորհագար ներկայությունը միշտ ուղեկից լի-
նի Ձեզ հայրապետական մեծ ճանապարհին: Ձերդ Վե-
հափառությանը արևշատություն, քաջառողջություն
և աստվածային գորակցություն Ձեր գահակալությու-
նը Եկեղեցուն և հայրենիքին ամբողջանվեր սպասա-
վորեցնելու աստվածահան գործում: Մեր վերջին ու
մեծագույն մաղթանքն է, որ Ձերդ Սրբությունը շուտով
վայելի իր փափագած անկասխ, հզոր ու անխուսափ
հայրենիքի և նրա գրկում ծաղկող Հայ Եկեղեցու երանու-
թյունը, մեր ժողովրդի քրիստոնյա վերագարթոնքի
սրտաջերմ բերկրանքը...

Որդիական սիրով և խոնարհումով՝ «Քրիստոնյա
Հայաստանի» խմբագրություն

Լուրեր

Ամենայն Հայոց Կաթողիկոսն ընդունեց ԱՄՆ հայոց արևելյան թեմի ուխտավորներին

Ն. Ս. Օ. Տ. Տ.
Գ ա Ր Ե Գ Ի Ն
Ե Ր Կ Ր Ր Ո Ղ
Ծ ա յ Ր ա Գ Ո Ւ Յ Ն
Պ ա տ Ր ի ա Ր Զ
և Ամենայն Հա-
յոց Կաթողի-
կոսն օգոստոսի
4-ին ընդունեց
ԱՄՆ հայոց
արևելյան թեմի
Բոսթոնի շրջա-
նի Հայփոյնթի
հ ա մ ա յ ը թ ի
ուխտավորնե-
րին՝ առաջնոր-
դությամբ հոգևոր
հովիվ Արժանապատիվ
Տ. Վարդ քահանա Գյոզալյանի:



Իր օրհնությունը բաշխելով ուխտա-
վորներին՝ Հայոց Հայրապետը կարևոր
նկատեց աշխարհասփյուռ հայորդի-
ների կապը հայրենիքի և Մայր Աթոռ
Սուրբ Էջմիածնի հետ, ինչն առ հայրե-
նին և հոգևոր-ազգային արժեքները
հավատարմության լավագույն դրսևո-
րումն է: Այս գործում Նորին Սրբությունը
կարևորեց նաև սփյուռքում իրենց ծա-
ռայությունը մատուցող հոգևոր սպա-
սավորների դերը:

Իր խոսքում Վեհափառ Հայրապետն
անդրադարձավ Հայաստանի առջև ծա-
ռացած մարտահրավերներին՝ վստա-
հություն հայտնելով, որ հայ ժողովուրդն
իր միասնականության և զորեղ հավատ-
քի շնորհիվ կկարողանա հաղթահարել
առկա դժվարություններն ու փորձու-
թյունները: Վերջում Հայոց Հովհապետը
պատգամեց ուխտավոր հայորդիներին
հավատարիմ մնալ ազգային ինքնությա-
նը, ամրապնդել իրենց սրտերում սերն ու
նվիրումը հայրենիքի և Հայոց Եկեղեցու
նկատմամբ:

ՀԲԸՄ-ի «Բացահայտիր Հայաստանը» ծրագրի մասնակիցներն այցելեցին Մայր Աթոռ Ս. Էջմիածին

Օգոստոսի 2-ին Մայր Աթոռ
Սուրբ Էջմիածնի Գերաշնորհ
Տ. Մուշեղ եպիսկոպոս Բա-
բայանը Մայր Աթոռ Սուրբ
Էջմիածնում ընդունեց Հա-
յկական բարեգործական
ընդհանուր միության (ՀԲԸՄ)
«Բացահայտիր Հայաստա-
նը» ծրագրին մասնակից
սփյուռքահայ երիտասարդ-
ների: Սրբազան Հայրը, հա-
յորդիներին փոխանցելով
Ն. Ս. Օ. Տ. Տ. Գարեգին Երկրորդ Ծայրագույն
Պատրիարք և Ամենայն Հայոց Կաթողիկոսի
հայրական օրհնությունն ու բարեմաղթանքնե-
րը, կարևորեց վերջիններիս այցը Հայաստան
և Մայր Աթոռ Սուրբ Էջմիածին, ինչը լավագույն
հնարավորություն է՝ ճանաչելու և բացահայտե-
լու հայրենիքը: Մուշեղ եպիսկոպոսը հորդորեց
հայորդիներին լինել ՀԲԸՄ-ի բարի ավանդույթ-



Օգոստոսի 8-ին Ն. Ս. Օ. Տ. Տ. Գարեգին Երկ-
րորդ Ծայրագույն Պատրիարք և Ամենայն Հա-
յոց Կաթողիկոսը հայրապետական մեկշաբաթյա
այցով մեկնել է ԱՄՆ հայոց արևելյան թեմ:
Նորին Սրբությունը համդիպումներ կունե-
նա թեմակալ առաջնորդի, հոգևորականաց

և Մայր Աթոռ Սուրբ Էջմիածնի բարերարների
հետ՝ քննարկելու Մայր Աթոռի կողմից իրակա-
նացվող ծրագրերը:

Լրատվական նյութերը՝ Մայր Աթոռ Սուրբ
Էջմիածնի տեղեկատվական համակարգի



Գարեգին Երկրորդ Վեհափառը Մայր Տաճարի շինարարական աշխատանքներին ծանոթանալիս



Գարեգին Բ Ամենայն Հայոց Կաթողիկոսը վերանորոգված Մայր Տաճարն օծելիս

Գարեգին Երկրորդ Ամենայն Հայոց Կաթողիկոսի եկեղեցաշեն գործունեությունը

Ուրջ 1700-ամյա Հայաստանյայց Առաքելական Սուրբ Եկեղեցու 132 գահակալների շարքում իր եկեղեցաշինական գործունեությամբ առանձնահատուկ տեղ է գրավում Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսը։ Ընդհանրապես Նորին Սրբության գահակալության տարիները (1999 թվականից ցայսօր) նշանավորվել են Հայաստանյայց Առաքելական Սուրբ Եկեղեցու բարգավաճմամբ և բազմակողմանի ու ներդաշնակ զարգացմամբ՝ ինչպես Հայաստանում, այնպես էլ սփյուռքում։ Սուրբ Գրիգոր Լուսավորչի աթոռի արժանավոր գահակալի գործունեության մեջ առանցքային նշանակություն ունի եկեղեցաշինությունը, որի նպատակն է վերականգնել և ամրապնդել հայ ժողովրդի հոգևոր կյանքը, պահպանել ազգային ինքնությունը ու մշակույթը, ստեղծել նոր ու գործունի հոգևոր կենտրոններ։

Ն. Ս. Օ. Տ. Տ. Գարեգին Երկրորդի եկեղեցաշինական գործունեությունն ընթացել է շարունակվում է երեք հիմնական ուղղություններով։

1. Նոր եկեղեցիների կառուցում։ Նորին Սրբության գահակալության օրոք կառուցվել են բազմաթիվ նոր եկեղեցիներ՝ արձագանքելով թե՛ Հայաստանի բնակչության աճող հոգևոր կարիքներին, թե՛ սփյուռքի հայ համայնքների ձգտումներին՝ ունենալու իրենց համախմբող սեփական հոգևոր կենտրոնները։ Այս նոր եկեղեցիները կառուցվել են

ինչպես Հայաստանի մեծ ու բազմամարդ բնակավայրերում, այնպես էլ սահմանամերձ և հեռավոր գյուղերում, ինչը վկայում է Հայոց եկեղեցու սրտացավության, ազգաշահ ու պետականամետ գործելաոճի, իրավիճակը ճիշտ գնահատելու և դրան համապատասխան հիմնավորված միջոցառումների ձեռնարկման մասին։ Նոր եկեղեցիները և հոգևոր կենտրոնները նպաստում են հայ ժողովրդի հավատքի վերածննդին և ամրապնդմանը, ինչպես նաև եկեղեցական-ծխական համայնքների կազմավորմանն ու զարգացմանը, հոգևոր կյանքի աշխուժացմանը։

2. Հայ բազմադարյան մշակութային խոսուն վկաների՝ վանական համալիրների ու եկեղեցիների հիմնանորոգում, վերակառուցում կամ վերանորոգում։ Կարևորագույն ուղղություն է եղել Հայաստանում և հայկական գաղթավայրերում պահպանված հայ եկեղեցական ճարտարապետության բազմաթիվ հուշարձանների պահպանումն ու վերականգնումը։ Այս գործընթացը նաև նպատակ ունի պահպանելու հայկական պատմա-մշակութային և ճարտարապետական ինքնատիպ ժառանգությունը, ինչպես նաև այդ եկեղեցիներին վերադարձնելու իրենց հոգևոր դերն ու նշանակությունը։ Շատ դեպքերում վերակառուցման աշխատանքները ֆինանսավորվել են բարերարների կողմից, որոնք համախմբված են եղել Մայր

Աթոռ Սուրբ Էջմիածնի և Վեհափառ Հայրապետի շուրջ։ Բազմադարյա վանական համալիրների ու եկեղեցիների վերակառուցումը նաև նպաստում է հայկական պատմա-մշակութային ժառանգության պահպանմանը, զարգացմանն ու հանրահռչակմանը, ինչը շատ կարևոր է հատկապես ազգային ինքնագիտակցության բարձրացման և ազգային ինքնության պահպանման տեսանկյունից։

3. Եկեղեցական համալիրների և հոգևոր-մշակութային հաստատությունների ստեղծում։ Նորին Սրբության եկեղեցաշինական գործունեությունը սահմանափակված չի եղել միայն նոր եկեղեցիների կառուցմամբ։ Կառուցվել և բարեկարգվել են նաև եկեղեցական համալիրներ, հոգևոր-մշակութային ու կրթական կենտրոններ՝ հայորդյաց տներ, կիրակնօրյա դպրոցներ, ակումբներ, թանգարաններ, որոնք ծառայում են ամբողջ հայ ժողովրդին և Հայ Առաքելական եկեղեցու բարեպաշտ զավակների կրթական, հոգևոր-ազգային ու մշակութային կարիքները բավարարելուն։ Սփյուռքում և Հայաստանի Հանրապետությունում կառուցված նոր եկեղեցիներն ու հոգևոր-մշակութային հաստատություններն աստիճանաբար վերածվում են համայնքային կենտրոնների, որտեղ կազմակերպվում և զարգանում է ոչ միայն ազգային-հոգևոր, այլև մշակութային, կրթական ու հասարակական-մեթոդա-

մայնքային կյանքը։

Հայաստանում հոգևոր կյանքը վերագարթոնք ապրեց, և եկեղեցաշինությունը մեծ ծավալներ ընդունեց 1991 թ. անկախության հռչակումից հետո։ Մայր Աթոռ Սուրբ Էջմիածնի գահակալների անմիջական մասնակցությամբ ու առաջնորդությամբ՝ նորանկախ Հայաստանի Հանրապետությունում հայկական եկեղեցական ճարտարապետությունը վերածնունդ, ապա նաև վերելքի նոր շրջան ապրեց։ Ժամանակակից հայ ճարտարապետներն ու վարպետ-շինարարները, կիրառելով նոր տեխնոլոգիաներ, լուծումներ ու նտահղացումներ, նորակառույց եկեղեցիները բացառապես նախագծում և կառուցում են՝ պահպանելով ու զարգացնելով հայկական միջնադարյան եկեղեցական ճարտարապետության լավագույն ավանդույթները։

Գարեգին Երկրորդ Վեհափառ Հայրապետը դեռևս Արարատյան Հայրապետական թեմի առաջնորդական փոխանորդության ժամանակաշրջանում, բայց հատկապես Կաթողիկոսական գահակալության առաջին իսկ տարիներից իր գործունեության կիզակետում է պահել նոր եկեղեցիների կառուցումն ու հոգևոր կառույցների վերաշինումն ու հիմնանորոգումը։ Դրա խոսուն վկաներն են այն բազմաթիվ սրբավայրերը, որոնք կառուցվել, վերակառուցվել, հիմնանորոգվել ու բարեկարգվել են Նորին Սրբու-

թյան գահակալության տարիներին։ Վեհափառ Հայրապետի օրոք կառուցվել ու վերանորոգվել են 300-ից ավելի եկեղեցիներ և կրթական-մշակութային հաստատություններ հայաստանյան ու արտասահմանյան թեմերում։ Բավական է նշել, որ միայն 1999–2011 թթ. վերանորոգվել են շուրջ 200 վանական համալիրներ ու եկեղեցական կառույցներ Հայաստանում և սփյուռքում։

Գարեգին Երկրորդ Հայրապետն իրավամբ վաստակել է «Եկեղեցաշեն» պատվանունը կրելու իրավունքը։

Վեհափառի գահակալության տարիներին կառուցված եկեղեցիներից նշանավոր են.

1. Արարատյան Հայրապետական թեմ. Երևանի Ս. Գրիգոր Լուսավորչի եկեղեցի, Ս. Ամնա եկեղեցի, Ավանի Ս. Աստվածածին եկեղեցի, Նոր Արաբկիր թաղամասի Ս. Խաչ եկեղեցի, Դավթաշեն թաղամասի Սրբոց Նահատակաց եկեղեցի, Եռաբլուր պանթեոնի Սրբոց Վարդանանց Նահատակաց եկեղեցի, Չորավար Անդրանիկի թաղամասի (նախկինում՝ Հարավարևմտյան թաղամաս) Ս. Երրորդություն եկեղեցի, Ներքին Չարբախի Ս. Խաչ եկեղեցի, Նոր Նորքի Ս. Սարգիս եկեղեցի, Նոր Նորքի Ս. Աստվածածին եկեղեցի, Նորքի Ս. Մարիամ Աստվածածին եկեղեցի, Նուբարաշենի Սրբոց Նահատակաց եկեղեցի։

→ էջ 12

Երբ քարերը խոսուն տաճարներ են դառնում...

Սուրբ Էջմիածինը, հայի ոգեղեն տաճարի ու քարակերտ վանք ու կոթողների բյուրեղակերտը լինելուց զատ, աստվածավանդ մեր հայրենի հողի կանչն է, հայի հոգու նշանակն ու սրբավայրը, որտեղ հազարամյակների հույսն ու սերը միահյուսվում են անփոփոխ էությամբ, ավանդույթներով ու հավատի խոր արտահայտություններով։ Հավատքն այստեղ ծավալվում ու սավառնում է ոչ միայն իբրև աղոթք, այլև բյուրեղացած շունչ, որ փշբաղում է անգամ բարձրաբերձ լեռների կատարները, կաթիլ-կաթիլ ողողում ու նորոգում երկիրը՝ խորարմատ ամփոփվելով մարդու սրտի մեջ, ինչպես խաղողի վազը՝ հողում։

Ավանդույթներն ու հոգեպարար արարողակարգերն այստեղ սոսկ հիշողություններն ու հիշատակներն չեն, այլև կենդանի ու խորախոր-

հուրդ իրողություններ, որ կերոնների տեսքով այրվում են կույր ու համր, դառն ու սառը ժամանակների մեջ և լույս սփռում։ Այսպես հայոց հոգին հարախորհուրդ հեղվում ու ցողվում է գործությամբ ու անբաժանելի միասնականությամբ։

Սուրբ Էջմիածնի պատմությունը դարեր շարունակ արտացոլվել է ինչպես գունեղ ու բոցավառ ժայռ ու քարերի մեջ, այնպես էլ տառապած ու խնկարկված սերունդների աչքերում, որոնք իրենց հաղթանակներով ու կորուստներով, հավատի պայծառ գործերով կապել են անցյալն ապագային՝ պահպանելով ու առատացնելով մարդկային հոգու անչափելի ջերմությունը։

Սուրբ Էջմիածինը հավիտենական մի օջախ է, որտեղ հայ ժողովուրդն իր աստվածային նկարագիրն է վերապրում՝ քարը դարձնելով աղոթք, իսկ աղոթքը՝

հավերժություն... Հողն ու քարը, ավանդույթն ու պատմությունը նրա սրտում դառնում են միահյուսված մի մարմին, և Հայոց Հայրապետի օրհնությունն այդ մարմնի ոսկեգույն հյուսվածքն է՝ մարդուն և աստվածային լույսն իրար շաղկապող։

Հայրապետի՝ երկինք պարզված ձեռքը հրաշակերտ մի խոստովանություն է Արարչին ու ժողովրդին, համաժամանակ՝ առաջնորդ ու խնամակալ լինելու ուղեցույց և հույսի նշան։ Այն ոչ միայն օրհնության նշանակ է, այլև անցյալը, ներկան ու ապագան իրար կապակցող հոգևոր ժառանգության անքակտելի շղթա, որն ամեն անգամ նոր ուժ ու եռանդ է հաղորդում հավատացյալին՝ լուսավորելով նրա հոգու ամեն մի անկյուն...

Լեռների ամայության մեջ, որտեղ լույսը կանգնում անգամ քար է

կտրում, մեծ ու փոքր քաղաքների աղմկաշունչ հորձանուտում թե գյուղերի անդորր խաղաղության գրկում նա գործում է՝ խորախորհուրդ լույսի մեջ։ Լույսը հազիվ է թեքվում հովտի վրայով, երբ Հայրապետի քայլերն արդեն շոյում են մաշված հողի երեսը... Նա չի խոսում, երբ ուրիշները խոսում ու շատախոսում են։ Քարը դնում է քարի վրա, մինչև որ քարերից խունկ ու աղոթք են սկսում բարձրանալ...

Նրա լույսը հողի լույսն է՝ համբերատար, լեռան համառություն է, ժայռի կարծրություն... Եվ ամեն անգամ, երբ քարերը խոսուն տաճարներ են դառնում, երբ լույսը լցվում է շողով ու շարականով, մեզը նահանջում է, խավարը՝ անեղանում, ու ճախրում է հոգևոր խիմղը։ Իսկ Հայրապետը մնում է նույնը՝ հողի պես համեստ, Աստծո պես՝ անտես...

Քարերը լույս են՝ պահպանելով խնամքով անթեղված բազում պատմություններ, այնպես, ինչպես ամպերն են ծրարում ամենի լեռների գագաթները, իսկ ընդերքում հոսող ջուրը շարունակում է կենդանություն տալ նրանց՝ շաղախելով հավատքի ու հույսի մաքրամաքուր ջերմով։ Սուրբ Էջմիածնի լույսի մերձը՝ Հայրապետի հայացքի տակ, ամեն հայի հոգի խաղաղվում է՝ գտնելով իր տեղը, ուր անխախտ է ոչ միայն անցյալի հուշը, այլև՝ ապագայի հույսը։

Այդ լույսը երբևէ չի մարում. ապրում է մեզանում, հողում, ջրի ու քարի մեջ, թևածում երկնքում՝ օրհնաբեր հիշեցումով, որ մեր արմատներն ամուր փարված են այս հողին, մեր հոգին՝ հայոց հավատքի անսասան վեմին ու զմբթին...

Իսահակ վարդապետ ՊՈՂՈՍՅԱՆ

Հայոց բանակ-Եկեղեցի կապը՝ Գարեգին Երկրորդ Վեհափառի գործունեության զարկերակ

«Տարակույս չունենաք. ինչպես անցյալում, այնպես և այսօր ու ապագայում հայ հոգևորականը լինելու է հայ զինվորի կողքին, լինելու է առաջնագծում»:

Գարեգին Երկրորդ Ամենայն Հայոց Կաթողիկոս

Գարեգին Բ Ամենայն Հայոց Կաթողիկոսի գահակալության ընթացքում Հայ եկեղեցին դարավոր ավանդույթների պահպանմամբ ու ներքին զարգացման օրինաչափությամբ, գործում է իբրև ազգային եկեղեցի՝ ինքնադրստրվելով որպես ազդեցիկ կառույց թե մեր ներքին կյանքում, թե արտաքին աշխարհում: Համազգային խնդիրները մշտապես եղել են Վեհափառի հոգածության ներքո՝ Հայոց ցեղասպանության ճանաչումից և դատապարտումից մինչև Արցախի հիմնախնդրի խաղաղ ու արդար կարգավորում, ազգային ինքնության պահպանումից մինչև հայրենյաց սահմանների պաշտպանություն:

Նորին Սրբության մշտառկա ուշադրության և հոգածության ներքո է Հայոց բանակը: Հայ զինվորականին հոգևոր աջակցություն ցուցաբերելը, նրան բարոյական մեծակության չմատնելը, թե խաղաղության, թե պատերազմների ժամանակ բանակի կողքին լինելը և ոգի ու վստահություն ներշնչելը Վեհափառի առաջադրած խնդիրներն են եղել եկեղեցու հոգևոր դասին: Հոգևորականների ներկայությունը պատերազմի դաշտում բարձրացրել է բանակի մարտական ոգին, մահվան վախը հաղթահարելու զորություն հաղորդել, ներշնչել արդարացի պայքարում հաղթելու հավատով: Արցախյան 44-օրյա պատերազմին մասնակցել են ոչ միայն շինված ուժերում սպասավորող զինեղները, այլև կամավորաբար առաջնագիծ են մեկնել Հայաստանի և սփյուռքի թեմերում ծառայող 100-ից ավել հոգևորականներ:

Հայ եկեղեցին Գարեգին Կաթողիկոսի օրոք գործում է Աստված և հայրենիք գաղափարապաշտության ոգով՝ հայրենասիրության և հայրենապահպանության հունդեր սերմանելով ամենուր և Ավետարանն ու Հայոց պատմությունը գերազույց գրքեր կարգելով:

Դեռևս Գարեգին Բ-ի գահակալության սկզբում՝ 2000 թ. մարտին, ՀՀ Կառավարության և Հայ եկեղեցու միջև ստորագրվեց փոխհամաձայնագիր, որով հստակեցվեցին 1997 թ. եղջանակահիշատակ Գարեգին Ա Կաթողիկոսի և ՀՀ պաշտպանության նախարար Վազգեն Սարգսյանի համատեղ նախաձեռնությամբ ստեղծված ՁՈՒ հոգևոր առաջնորդության գործունեությունը, կառուցվածքը, խնդիրներն ու նպատակները: «Քրիստոնյա Հայաստան»-ին տված իր հարցազրույցում ՀՀ ՁՈՒ այսօրվա հոգևոր առաջնորդ Ս. Սովետ վրդ. Սարգսյանն ասում է. «Չնայած թշնամուն ոչնչացնելու ժամանակակից զենքերին ու միջոցներին՝ պատերազմի և ռազմական գործողությունների ամենակարևոր տարրը միշտ կլինի անձը, և մարտի հաջողությունը մեծապես կախված կլինի նրա հոգեվիճակից: Ուստի անհրաժեշտ է զորքերի կրթության ու պատրաստության գործում հատուկ ուշադրություն դարձնել հոգևոր դաստիարակության գործունեին, որն իր



Մարտական հեռակետ, 2022 թ., 31 դեկտեմբերի

լուրջ ազդեցությունն ունի զինվորի բարոյահոգեբանական նկարագիրը ձևավորող բոլոր հիմնարար որակների ու տարբեր իրավիճակներում ցուցաբերվող վարքագծի ձևավորման վրա: Հետևաբար՝ բանակը ոչ միայն ռազմական մասնագիտության և ֆիզիկական պատրաստության դպրոց է, այլև հայրենասիրության վրա հիմնված հոգևոր-բարոյական վսեմ որակների կրթման համակարգ, ինչն անհմար է առանց Սուրբ Եկեղեցու մասնակցության: Որքան էլ հրամանատարներն իրենց ենթակա անձնակազմի պատրաստման գործում լինեն ջանասեր ու փորձառու, միևնույն է, զինծառայողներին քրիստոնեական առաքինություններով, բարոյական արժեհամակարգով օժտելու համար անհրաժեշտ է հոգևոր դաստիարակություն, քրիստոնեական հավատի քարոզչություն, որոնք և կատարում են մեր հոգևորականները» (ԶԶ, 2024, նոյեմբեր Ա, թիվ 21, էջ 6):

Հիրավի, քրիստոնեական ճիշտ դաստիարակությունը հույժ կարևոր նշանակություն ունի զինվորի բարոյահոգեբանական բարձր պատրաստականության գործում: Ոգեշունչ է քրիստոնեությունը, իսկ ոգին զինվորի մեծագույն զենքն է: Քրիստոս Ինքը գաղափարի և ուժի հերոս է, որ զոհաբերեց իրեն՝ մարդկության հանդեպ մեծ սիրուց դրդված: Ավետարանի քարոզը զնդերեցի առաքելությունն է՝ որպես սիրո և ուժի կրոնի քարոզ: Բարոյական ուժով գոտեպնդել բանակին. ահա ՁՈՒ հոգևոր սպասավորի գլխավոր խնդիրը և գործունեության առանցքը:

Ձինծառայողների՝ քրիստոնյա բարոյահոգեբանությամբ և ազգային-հայրենասիրական ոգով վերադաստիարակության կարևորության գիտակցումով արդեն 27 տարի է, ինչ ՀՀ ՁՈՒ Հոգևոր առաջնորդությունը, Ն. Ս. Օ. Տ. Տ. Գարեգին Երկրորդ Վեհափառի գլխավորությամբ, իր հոգեխնամ առաքելությունն է իրականացնում ՀՀ զինված ուժերում:

ՁՈՒ Հոգևոր առաջնորդության զարգացմանն ու արդյունավետությանն ուղղված Վեհափառի ջանքերից բացի՝ առանձնակի կարևորություն ունեն Գարեգին Երկրորդի հայրապետական ամնիջական այցերը զորամասեր ու հոսպիտալներ: Վեհափառը պարբերաբար լինում է զորամասերում, մարտական ծառայության դիրքերում, օրհնում և խրախուսում զինանձնակազմին, տեղում ծանոթանում ծառայության պայմաններին և իրավիճակին:



Գարեգին Երկրորդ Վեհափառի այցը վիրավոր զինվորներին, Երևանի Կենտրոնական կլինիկական զինվորական հոսպիտալ, 2016 թ., 4 ապրիլի

Հայրապետական այցերը հոսպիտալներ վիրավոր կամ հիվանդ զինվորներին տեսակցելու և զորակցելու նպատակ ունեն: Վեհափառի ջանքերով պատերազմում ծանր վիրավորում ստացած զինծառայողներ բուժում են ստացել և շարունակում են ստանալ արտասահմանում: Այսպես, 2018 թ. ընթացքում շուրջ 9 զինհաշմանդաններ Նորին Սրբության օրհնության մեկնել են Կալկաթա և ստացել անհրաժեշտ բժշկական միջամտություն:

Վեհափառի սրբազան պարտավորվածությունների օրակարգում են եռաբլուր մշտական այցերը և զոհված ու անհայտ կորած զինվորների ընտանիքներին հոգածության առանցքում պահելը:

Գարեգին Երկրորդ Հովվապետի՝ զորամաս և հոսպիտալ այցերից առանձնացնենք արխիվային մի քանի փաստեր՝ ցույց տալու դրանց ժամանակագրական և բովանդակային հարուստ տարրությունը:

1999 թ., 30 դեկտեմբերի

Ամանորին և Սուրբ Ծնունդին ընդառաջ նորածն Ամենայն Հայոց Կաթողիկոսն այցելեց ՀՀ բանակի N զորամաս և հանրապետական հոսպիտալ:

2014 թ., 27 հունվարի

Բանակի տոնի նախօրեին Ամենայն Հայոց Կաթողիկոսն այցելեց Երևանի զինվորական հոսպիտալ: Վեհափառին ուղեկցում էր ՊՆ նախարարը:

2016 թ., 6 սեպտեմբերի

Գարեգին Բ Կաթողիկոսը Գերագույն Հոգևոր հորհրդի անդամների ուղեկցությամբ սեպտեմբերի 6-ին Արցախում այցելեց ԼՂՀ Պաշտպանության բանակի N զորամաս: Ամենայն Հայոց Հովվապետին ու ԳՀԽ անդամներին դիմավորեց և ողջունեց ԼՂՀ Պաշտպանության նախարար գեներալ-լեյտենանտ

Լևոն Մնացականյանը: Այնուհետև շարված զորքին իր հայրապետական օրհնությունը բաշխեց Գարեգին Բ Կաթողիկոսը:

«Պահպանիչ» աղոթքից հետո Նորին Սրբությունն իր պատգամը հղեց զինվորներին՝ ուրախություն հայտնելով հանդիպման հնարավորության համար. «Եկել ենք մեր գնահատանքը և սերը արտահայտելու ձեզ, նաև բերելու ձեզ մեր խոնարհումը՝ ձեր իրագործած սխրանքների համար, որոնց մեք ականատես դարձանք ապրիլյան պատերազմի օրերին, թե ինչպիսի քաջազունությամբ դուք կասեցրիք աղբյուրեղանական զորքերի հարձակումը, ետ շարտեցիք նրանց մեր սահմաններից: Մեր խոնարհումն ենք բերում քաջարի զինվորներին՝ մեր ազգի հերոս զավակներին, որոնք իրենց կյանքով այդ օրերին պաշտպանեցին մեր Հայրենիքը: Թող երկնքից միշտ լույս և օրհնություն իջնի նրանց շիրմներին... Փանք ձեզ, հայոց բանակի քաջարի մարտիկներ: Վերստին փանք ձեր ընկերներին, որոնք հանգչում են Արցախի և Հայաստանի նվիրական և սուրբ հողում»:

Նշելով, որ հայրենիքի պաշտպանությունը սրբազան ու վեհ ծառայություն է, Նորին Սրբությունը կարևորեց հավատի գործումը. «Հավատով է, որ մեր ժողովուրդը տարել է իր պատմության բոլոր հաղթանակները՝ Վարդանանց պատերազմից սկսյալ մինչև Սարգարապատ և Արցախ: Արցախում ապրիլյան պատերազմի օրերին մեր զինվորների մեջ մենք տեսանք այդ զորեղ հավատի ճառագումը... Ծնորիվ հաղթական ոգու և հավատի՝ մեր զինվորները կարողացան հաղթական ելնել այդ պատերազմից: Սիրելիներ, այս հողը սուրբ ու նվիրական է, որովհետև այստեղ ունենք նվիրական սրբություններ՝

դարերով կերտված հավատավոր մեր զավակների կողմից: Այս հողը սուրբ ու նվիրական է, որովհետև այստեղ հեղվել է քրտինքը և նաև արյունը մեր պատվական զավակների և մեր նախնիների: Այսօր դուք եք պաշտպաններն այս նվիրական հայրենիքի: Այս սահմանները պետք է անառիկ պահել՝ նվիրումով, հավատով և խիզախ, հերոսական ոգով, որ կրում եք ձեր անձերում»,— հավելեց Վեհափառ Հայրապետը:

Նորին Սրբությունը վերջում զինվորներին հավաստիացրեց. «Դուք մշտապես մեր աղոթքներում եք, մենք սիրում ենք ձեզ: Ձեզ սիրում է ազգի յուրաքանչյուր զավակ թե՛ հայրենիքում, թե՛ սփյուռքի հեռավոր ափերում: Մեր ազգն իր սիրով ու ոգով, իր կարելիություններին ընծայաբերումներով և համձնառություններով միշտ ձեր կողքին է: Ձեզ հետ է նաև մեր եկեղեցին՝ իր հնարավորություններով ու կարողություններով, ինչպես նաև իր սպասավորներով»:

Ամենայն Հայոց Կաթողիկոսը հայցեց Բարձրալին, որ միշտ հաղթական լինի հայ զինվորի բազուկը, և Աստված անվտանգ և բոլոր փորձություններից հեռու պահի երիտասարդներին, որպեսզի, փառքով և պատվով ավարտելով իրենց ծառայությունը, վերադառնան ընտանիք՝ ուրախություն պարզակելով իրենց ծնողներին և ողջ ժողովրդին: Նորին Սրբությունը մաղթեց, որ Տերը յուրաքանչյուր զինվորի կյանքի ընթացքը զարդարի հաջողություններով ու հաղթանակներով, որպեսզի միշտ շեն լինի Հայոց աշխարհը, հզոր՝ Հայոց բանակը, և հայ ժողովուրդը խաղաղության մեջ ապրի ու կերտի իր բարոյ կյանքը:

Վերջում Ամենայն Հայոց Կաթողիկոսը և Գերագույն Հոգևոր հորհրդի անդամները զրույց ունեցան զինվորների հետ:

2018 թ., 7 հուլիսի

Ն. Ս. Օ. Տ. Տ. Գարեգին Բ Ծայրագույն Պատրիարք և Ամենայն Հայոց Կաթողիկոսը Մայր Աթոռ Սուրբ Էջմիածնի միաբանների ուղեկցությամբ այցելեց հայ-աղդրեջանական միջպետական սահմանի նախիջևանյան հատվածի տարբեր մարտական դիրքեր: Ամենայն Հայոց Կաթողիկոսին դիմավորեցին ՀՀ ՁՈՒ ԳԾ պետի տեղակալ զեմերալ-լեյտենանտ Ստեփան Գալստյանը, N զորամասի հրամանատարական կազմը և ՀՀ ՁՈՒ Գերաշնորհ Տ. Վրթանես Եպիսկոպոս Արախամյանը՝ զնդերեցների ուղեկցությամբ:

Բանակի սպաների և զինվորների հետ զրույցում Վեհափառ Հայրապետն իր մտահոգությունը հայտնեց Աղդրեջանի կողմից վերջին շաբաթներին սանձազերծված լարվածության աճի վերաբերյալ: Նորին Սրբությունը, աղոթելով հայրենի երկրի խաղաղության համար, երկնավորին հայցեց, որ հայոց զորականների բազուկը միշտ հաղթական լինի, և կարողանան իրենց քաջարի ոգով պաշտպանել Հայոց աշխարհի խաղաղությունը, իրենց մայրերի և քույրերի անդորրը:

Դիրքապահներին ուղեկցությամբ տեղում դիտարկելով վերջին զարգացումները՝ Գարեգին Բ Կաթողիկոսն իր գնահատանքն ու օրհնությունը բերեց մարտական հերթապահություն իրականացնող զինվորներին և նրանց ընծայեց խաչեր ու Աստվածաշունչ մատյաններ՝ մաղթելով խաղաղ ու անվտանգ ծառայություն: ➡ էջ 9

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի Էկումենիկ և միջկրոնական գործունեությունը

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի հովվապետական հարուստ գործունեության մեջ իր ուրույն տեղն ունի էկումենիկ և միջկրոնական երկխոսություններին Հայ Առաքելական Եկեղեցու ազդեցիկ մասնակցությունը: Վեհափառ Հայրապետի կաթողիկոսության տարիները նշանավորվել են քույր Եկեղեցիների հետ հարաբերությունների առավել սերտացմամբ, ոչ դավանակից քրիստոնյա Եկեղեցիների հետ քրիստոնեական փոխգործակցության ոգով հիմնված հարաբերությունների հաստատմամբ ու միջեկեղեցական խոշորագույն կառույցների կյանքում մեր Եկեղեցու արժեքավոր և ուրույն ներդրմամբ: Այդ հարաբերությունները բազմաոլորտ ընդգրկում ունեն ներառելով պաշտոնական-արարողակարգային, կրթական, սոցիալական, հոգևոր ժառանգության և փորձառության փոխանակման, աստվածաբանական երկխոսությունների, միջազգային խաղաղության խթանման և այլ բնագավառներ: Սույն հոդվածը կարճամփոփ և ընդհանրական ներկայացումն է այն հսկայական աշխատանքի, որ տարվել է Գարեգին Բ Հայրապետի կողմից էկումենիկ և միջկրոնական հարաբերությունների դաշտում:

Խոսելով Ն. Ս. Օ. Տ. Տ. Գարեգին Բ Ամենայն Հայոց Հայրապետի էկումենիկ և միջկրոնական գործունեության շուրջ՝ Մայր Աթոռ Սուրբ Էջմիածին Միջեկեղեցական հարաբերությունների բաժնի տնօրեն Հոգեշնորհ Տ. Գարեգին վարդապետ Համբարձումյանն ընդհանրացնում է. «Նորին Սրբություն Գարեգին Բ-ի առաջնորդությամբ Հայ Առաքելական Եկեղեցին շարունակում է Ավետարանի ճշմարտության վկայությունը՝ միաժամանակ կառուցելով փոխըմբռնման, համագործակցության և համերաշխության կամուրջներ տարատեսակ դավանական և կրոնական համայնքների միջև: Նորին Սրբությունը, իր անդուլ ներգրավվածությամբ էկումենիկ և միջկրոնական երկխոսությանը, Հայ Եկեղեցու պատմական առաքելության ձայնն է հնչեցրել՝ խթանելու արդարացի խաղաղությունը, պաշտպանելու ժողովուրդների ազգային արժանապատիվությունը և պահպանելու մեր հոգևոր-մշակութային ժառանգությունը: Այսօր ևս, երբ աշխարհը կանգնած է նորանոր մարտահրավերների առաջ, Մայր Աթոռ Սուրբ Էջմիածինը Վեհափառ Հայրապետի առաջնորդությամբ շարունակում է վկայել այն ճշմարտությունը, ըստ որի՝ հավատքը պետք է դառնա հաշտության, կարեկցանքի ու հույսի աղբյուր ողջ աշխարհում»:

Վեհափառ Հայրապետի դիրքորոշումը միջեկեղեցական հարաբերությունների վերաբերյալ արտահայտված է դեռևս իր հայրապետական առաջին կոնդակում. «Շարունակելու ենք գործուն մասնակցություն ունենալ միջեկեղեցական կյանքում՝ հավատարիմ համայն աշխարհում խաղաղության պահպանման, ժողովուրդների՝ եղբայրական սիրով համագործակցության, մեր Եկեղեցու ավանդներին: Նոր ժամանակների տարաբնույթ մարտահրավերների առջև քրիստոնեական քույր Եկեղեցիների հետ մեր ջանքերը միավորած՝ հետևողականորեն իրականացնելու ենք հոգևորի լույսով մարդկության կյանքի իմաստա-



Գարեգին Երկրորդ Ամենայն Հայոց Հայրապետը Հռոմի Ֆրանցիսկոս Պապի հետ, Էկումենիկ արարողություն և խաղաղության աղոթք Երևանի Հանրապետության հրապարակում, 2016 թ., 25 հունիսի

վորման սուրբ առաքելությունը՝ հանուն քրիստոնեական սկզբունքների կենսագործմամբ բարու հաղթանակի և համընդհանուր երջանկության» («Էջմիածին», 2000, Բ, էջ 3–9):

2000 թ. փետրվարի 29-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսը Ռուս Ուղղափառ Եկեղեցու զահակալ Մոսկվայի և Համայն Ռուսիո Պատրիարք Ալեքսի Բ-ի եղբայրական հրավերով մեկնեց Մոսկվա: Այս հանդիպումով սկիզբ դրվեց Ռուս Ուղղափառ Եկեղեցու հետ բազմամյա եղբայրական հարաբերությունների առավել խորացմանը, որոնք հետագայում պտղաբեր արդյունքներ տվեցին՝ նպաստելով Ռուսաստանի Դաշնությունում Հայ Եկեղեցու թեմերի առավել արդյունավետ գործունեությանը, որ հոգևոր սնունդ են տալիս ռուսաստանաբնակ միլիոնավոր հայորդիների:

2000 թ. մայիսի 8-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսը Հռոմում հանդիպեց Հռոմի Ամենա-Պողոս Բ Պապի հետ: Հանդիպման ժամանակ Հռոմի Պապը Կաթողիկ Եկեղեցու կողմից Հայ Եկեղեցուն մկիրաբերեց Սուրբ Գրիգոր Լուսավորչի մասունքները: Այդ ընթացքում Վեհափառը նաև մասնակցեց միջեկեղեցական աստվածաբանական գիտաժողովի: Այս հանդիպումը մեկնարկն էր Կաթողիկ Եկեղեցու հետ մեր մինչ այս անմախաղեպ մակարդակի ջերմ և գործնական հարաբերությունների:

2001 թ. փետրվարի 23-ին Վեհափառ Հայրապետը անդրամիկ պաշտոնական այցով մեկնեց Ժնև՝ Եկեղեցիների համաշխարհային խորհրդի պաշտոնական գրասենյակ: ԵՅԽ-ի հետ հարաբերությունները հաջորդ տասնամյակներում նշանավորվել են բազմաթիվ ծրագրերին Հայ Եկեղեցու գործուն մասնակցությամբ և հայկական ազգային-եկեղեցական հարցերի շուրջ ԵՅԽ ունեցած հայասնապաստ դիրքորոշումներով:

2001 թ. սեպտեմբերի 25-ին քրիստոնեության՝ Հայաստանում պետական կրոն հռչակելու 1700-ամյակի տոնակատարություններին մասնակցելու նպատակով Գարեգին Բ Կաթողիկոսի հրավերով Սուրբ Էջմիածին ժամանեց Հռոմի Պապ Հովհաննես-Պողոս Բ-ն: Սա պատմության մեջ Հռոմի քահանայապետի առաջին այցն էր Հայաստան: Պապն իր խոսքում նշեց.

«Համայն Կաթողիկ Եկեղեցին կիսում է Ձեր և բոլոր հայերի անհուն ուրախությունը՝ այս մեծապես սիրեցյալ երկրում քրիստոնեությունը որպես պետական կրոն հռչակելու 1700-ամյակի առիթով» («Էջմիածին», 2001, Թ, էջ 53–63): Վերոնշյալ տոնակատարությունների ժամանակ Հայաստան ժամանեցին նաև այլ նշանավոր եկեղեցապետեր՝ ավելի քան 35 եկեղեցիներից ու կրոնական կազմակերպություններից: Նրանց թվում էին Սանտինո-Ուլադիսլավ Տիեզերական Պատրիարք Բարթոլոմեոս Առաջինը, Ալեքսանդրիայի և Համայն Աֆրիկայի Հույն Ուղղափառ Եկեղեցու Պատրիարք Պետրոս Յոթերորդը, Ասորի Ուղղափառ Եկեղեցու պետ Իզմատիոս Առաջին Ջակկան, Հնդկի Մալանկարա Եկեղեցու պետ Բասիլեն Սարթովան Երկրորդը, Ռուս Ուղղափառ Եկեղեցու պետ Ալեքսի Երկրորդը, Ղաթի Ուղղափառ Եկեղեցու պետ Շենուդա Երրորդը, Ռումին Եկեղեցու պետ Թեոկտիստ Առաջինը, Անգլիկան Եկեղեցու պետ, Քենթերբերիի արքեպիսկոպոս Ջորջ Քերրին, Ֆինլանդիայի Լյութերական Եկեղեցու պետ, արքեպիսկոպոս Ջոկկա Պաարման, Վրաց Եկեղեցու պետ Իլյա Երկրորդը, Դանիայի Լյութերական Եկեղեցուց Կոպենհագենի եպիսկոպոս Էրիկ Նորման Սվենդսենը, ԵՅԽ գլխավոր քարտուղար դոկտոր Կոնրադ Ռազերը և ուրիշներ:

Գարեգին Բ Կաթողիկոսի հետևողական գործունեության արդյունքում 2005 թվականին՝ Մեծ եղեռնի 90-ամյակին, Եվրոպայի Եկեղեցիների Կոնֆերանսը (ԵԿԿ) դատապարտեց Հայոց ցեղասպանությունը: Սա կարևոր իրադարձություն էր, որ փաստում էր միջեկեղեցական հարաբերությունները միտված են քրիստոնեական փոխներդաշնակությանը և միմյանց ազգային-հոգևոր հոգսերը կիսելուն ու դրանց շուրջ արիաբար դիրքորոշում հայտնելուն:

2007 թ. սեպտեմբերի 23–28-ը Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի հրավերով Մայր Աթոռ Սուրբ Էջմիածնում գումարվեց ԵՅԽ գործադիր կոմիտեի հերթական ժողովը:

Նորին Սրբությունը գոհունակություն հայտնեց Քույր Եկեղեցիների և միջեկեղեցական կազմակերպությունների հետ կապերի առավել զորացման համար՝ նշելով, որ Հայ Եկեղեցին գործուն մասնակցություն է բերում միջե-



Գարեգին Բ Ամենայն Հայոց Կաթողիկոսը Մոսկվայի և Համայն Ռուսիո Պատրիարք Կիրիլ Ա-ի հետ, Մոսկվա, 2021 թ., 10 հոկտեմբերի

կեղեցական հարաբերությունների հաստատմանն ու լավագույնս ներկայացված է ԵՅԽ կառույցներում և համաման մյուս կազմակերպություններում:

Հայոց հոգևոր առաջնորդը գնահատանքով արձանագրեց, որ Հայ Եկեղեցին մեծապես օգտվել է այդ համագործակցությունից: ԵՅԽ-ն մշտապես սիրով ու պատրաստակամությամբ արձագանքել է Հայ Եկեղեցու բարձրացրած բոլոր խնդիրներին, ինչպես՝ Հայոց ցեղասպանության ճանաչումն ու դատապարտումը, սոսկալի երկրաշարժի օրերին եղբայրական օգնությունը և Արցախի ժողովրդի իրավունքների պաշտպանությունը («Էջմիածին», 2007, Թ, էջ 12–15):

2013 թ. մայիսի 4-ին Գարեգին Բ Հայրապետը Հայրավային Կորեայի Բուսան քաղաքում տեղի ունեցած ԵՅԽ համաժողովի ընթացքում ընտրվեց ԵՅԽ նախագահ՝ ութ տարի ժամկետով:

2015 թ. ապրիլի 12-ին Գարեգին Բ Շարյազույն Պատրիարք և Ամենայն Հայոց Կաթողիկոսը Վատիկանում մասնակցեց Հայոց ցեղասպանության 100-րդ տարելիցի առիթով Սուրբ Պետրոսի տաճարում Ֆրանցիսկոս Պապի մատուցած Սուրբ Պատարագին: Արարողության ընթացքում Հայաստանյայց Առաքելական Եկեղեցու հայր Սուրբ Գրիգոր Նարեկացին Կաթողիկ Եկեղեցու կողմից հռչակվեց «Տիեզերական Եկեղեցու վարդապետ»: Պատարագի ավարտին հայկական ծեսով կատարվեց հոգեհանգստյան արարողություն Մեծ եղեռնի մահատանների համար («Էջմիածին», 2015, ապրիլ Ա, էջ 4–5): Գրիգոր Նարեկացուն Կաթողիկ Եկեղեցու վարդապետ հռչակելու հանգամանքն իրադարձություն էր Հայ Եկեղեցու հարուստ աստվածաբանական ավանդույթն ու ժառանգությունը աշխարհին մատուցելու և առավել ճանաչելի դարձնելու առումով: Այս հռչակումը համաշխարհային գիտական շրջանակներում մեծացրեց հայ աստվածաբանության հանդեպ հետաքրքրությունը:

2016 թ. հունիսի 24-ին արդեն Հռոմի Ֆրանցիսկոս Պապը եռօրյա այցով եկավ Հայաստան՝ «Այց առաջին քրիստոնյա երկիր» կարգախոսով: Այդ ընթացքում Գարեգին Բ Հայրապետի և Ֆրանցիսկոս Պապի մասնակցությամբ էկումենիկ աղոթք կատարվեց Խոր Վիրապի վանական համալիրում, իսկ

հունիսի 26-ին երկու եկեղեցապետերը համատեղ հռչակագիր ստորագրեցին, որը վկայակոչում էր Վատիկանի կողմից Հայոց ցեղասպանության ավելի վաղ ճանաչումը. Ֆրանցիսկոս Պապի՝ 2015 թ. ապրիլի 12-ի հանդիսավոր Պատարագը և 2001 թ. սեպտեմբերի 27-ին Գարեգին Երկրորդի և Հովհաննես Պողոս Երկրորդի ստորագրած Համատեղ հայտարարությունը: Հայոց ցեղասպանության ճանաչման ևս մեկ Համատեղ հաղորդագրություն ստորագրվել էր 2000 թ. մայիսի 29-ին Հովհաննես Պողոս Երկրորդի և Գարեգին Երկրորդ Կաթողիկոսի կողմից:

2019 թվականին՝ «Կրոնները հանուն խաղաղության» միջազգային միության 10-րդ համաժողովի ընթացքում, Գարեգին Բ Ամենայն Հայոց Կաթողիկոսը 125 երկրների շուրջ 700 պատվիրակների կողմից ընտրվեց միության պատվավոր նախագահ:

2021 թ. սեպտեմբերի 9–10-ին Վեհափառ Հայրապետի օրհնությամբ Մայր Աթոռ Սուրբ Էջմիածնում տեղի ունեցավ «Միջազգային կրոնական ազատություն և խաղաղություն» խորագրով միջազգային համաժողովը: Համաժողովի նպատակը համայն աշխարհի եկեղեցական, գիտական և քաղաքական հանրույթի ուշադրությունը Արցախում տեղի ունեցող անիրավությունների վրա սևեռելն էր: Համաժողովի ընթացքում Եկեղեցին բաժրածայնեց Արցախի ժողովրդի ոտնահարված իրավունքների, Արցախի հոգևոր-մշակութային ժառանգության վանդալիզմի աղաղակող դեպքերի և Ադրբեջանի հակահայ քաղաքականության մասին: Նորին Սրբությունն իր բացման խոսքում նշեց. «Արդարև, առ Աստված մեր հավատի դրսևորումն են խաղաղությանն ուղղված մեր քայլերը, քանզի հավատն ինքը մարդու խաղաղության ուխտն է Աստծո հետ»:

2025 թվականի մայիսի 26–28-ին Ն. Ս. Օ. Տ. Տ. Գարեգին Բ Կաթողիկոսի առաջարկով Եկեղեցիներին համաշխարհային խորհուրդը և Եվեյցարիայի Բողոքական Եկեղեցին մայիսի 26–28-ը Շվեյցարիայի Բեռն քաղաքում կազմակերպեցին «Կրոնական ազատություն. հայկական հոգևոր, մշակութային և պատմական ժառանգության պահպանումը Արցախում/Լեռնային Ղարաբաղում» խորագրով միջազգային համաժողով: ➔ էջ 11

Գարեգին Երկրորդ Վեհափառի ուխտագնացությունները

Ուտով լրանալու է Ամենայն Հայոց Կաթողիկոս Գարեգին Երկրորդի ձեռնադրության և օծման 26-ամյակը։ Նրա գահակալության ընթացքում հարյուրավոր հայրապետական այցելություններ են եղել թե՛ Հայաստանում և թե՛ արտերկրում։ Այդ բազմաթվամդակ այցելությունների շարքում առանձնահատուկ խորհուրդ ու նշանակություն ունեն Վեհափառի ուխտագնացությունները՝ իբրև հոգևոր ճամփորդություն դեպի Աստված՝ Բարձրյալի և սրբերի հետ ի խորոց սրտի հաղորդակցվելու, անցյալի սրբազան ժառանգության ներկայությունն զգալու և զորություն ստանալու՝ հայրապետական առաքելությունն ի նպաստ եկեղեցու և հայրենիքի արդյունավորելու համար։

Գարեգին Երկրորդ Վեհափառը հայրապետական իր առաջին ուխտագնացությունը հայրենիքում կատարեց Օշական՝ Սուրբ Մեսրոպ Մաշտոցի շիրմին, 1999 թ. նոյեմբերի 27-ին, իսկ արտասահմանում՝ Սուրբ Երկիր՝ տերունակոխ սրբավայրեր։

Նոր ձեռնադրված Ամենայն Հայոց Կաթողիկոսը 2000 թ. հունվարի 14-ին մեկնեց Հորդանան, այնտեղից՝ Երուսաղեմ և ապա՝ Բեթլեհեմ, որտեղ էլ նախագահեց Սուրբ Ծննդյան արարողությունները։ Այս ուխտագնացությունը պատմական յուրահատուկ իրադարձություն էր, որովհետև նախ՝ Հայոց Հայրապետի արտասահմանյան առաջին ուխտագնացությունն էր, և, բացի այդ, Վեհափառն ուղեկցում էր Հայաստանի Հանրապետության նախագահը, այսինքն՝ պատմական ուխտագնացություն էր՝ հոգևոր և պետական առաջնորդների գլխավորությամբ։

Երուսաղեմից վերադարձին Ջվարթնոց օդանավակայանում Վեհափառ Հայրապետն իր այցի և տպավորությունների մասին այսպես է արտահայտվել. «Առաջին Մեր ուղևորությունը արտասահման, որ եղավ ուխտագնացություն Սուրբ Երկիր՝ Տերունակոխ Սուրբ վայրեր, բարեհաջող, խանդավառող ու գոտեպնդող ընթացք ունեցավ, և այսօր գոհունակ սրտով մեր աղոթքն ենք հղում առ Աստված՝ մեր եկեղեցու շինության, մեր ժողովրդի բարօր կյանքի, մեր նվիրապետական Աթոռների պայծառացման և զորացման համար» («Էջմիածին», 2000, Ա, էջ 23–24)։

Հայոց Հայրապետի հետագա ողջ գործունեությունը հիմնվել է Սուրբ Երկիր ուխտագ-



Հայրապետական ուխտի պատարագ Բեթլեհեմի Սուրբ Այրում, 2000 թ., 18 հունվարի

նացության ընթացքում հոգևոր ներշնչանքի և աստվածաշնչյան գաղափարների վրա։

Հայրապետի առանցքային ուխտագնացություններից է նաև Վատիկան այցելությունը, որի ընթացքում Կաթոլիկ աշխարհին ներկայացվեցին Հայ եկեղեցու դարավոր ավանդույթներն ու խաղաղասիրական տեսլականը։ Վատիկանում, ինչպես իր բոլոր այցելությունների ժամանակ, Վեհափառ Հայրապետը բարձրաձայնել է Հայոց ցեղասպանության մասին՝ կարևորելով դրա դատապարտումը. «Հարության մեր սուրբ հավաքից զորությամբ մեր ժողովուրդը վերապրեց մեծ աղետը, իր դեմ նյութված չարիքը հաղթահարեց բարիք ստեղծելով ու կառուցելով և այսօր՝ մեր դարի շեմին, մարդկային արդարության հանդեպ հավատով սպասում է Հայոց ցեղասպանության համընդհանուր ճանաչմանն ու դատապարտմանը» («Էջմիածին», 2000, ԺԱ, էջ 9)։

Հայրապետի զգացմունքային ուխտագա-

նացություններից է Հայոց ցեղասպանության 86-րդ տարելիցին Դեր Ջոր այցելությունը։ Ուխտագնացությանը մասնակցում էր նաև Մեծի Տանն Կիլիկիո Կաթողիկոս Արամ Ա-ն։ Ութսունվեց տարի առաջ հայրենիքից մահվան անապատներ աքսորված և նահատակված հարյուր հազարավոր հայերի մատուցման առկայությամբ Հայոց Վեհափառը ոգեկոչեց ցեղասպանության բոլոր զոհերի հիշատակը՝ ամրապնդելով նրանց սուրբ հռչակելու իր պատմական որոշումը. «Եկել ենք ուխտի, սրբազան երդման։ Եկել ենք ձեր՝ Քրիստոսի խաչակիցներիդ հազարավոր անհայտ անունների հիշատակումով մեր ուխտն առ Աստված հաստատելու, համազգային մեր միասնականությունը նորոգելու և մեր հավատը զորացնելու արդարության հաղթանակի հանդեպ։ Եկել ենք ասելու ձեզ, որ ամեն ապրիլի 24-ին, նաև այսօր, հայ ընտանիքներում զավակներ են ծնվում՝ հայրդիներ ու հայուհիներ, որ Առաքելական մեր Սուրբ եկեղեցու ավագանուն մկրտվում են ձեր անուններով» («Էջմիածին», 2001, Դ, էջ 11)։

Վեհափառի ուխտագնացություններն իրենց բնույթով ոչ միայն հոգևոր էին, այլև ազգային ու մշակութային։ Դրանք դարձել են նաև կամուրջներ՝ Հայ Առաքելական եկեղեցու և տարբեր երկրներում բնակվող հայկական համայնքների, ինչպես նաև տարբեր պետությունների ու եկեղեցիների միջև։

Հայոց Հովվապետը հաճախ ուխտավորաբար մեկնել է նաև Հայաստանի ու Արցախի սրբավայրեր և հայակական սփյուռքի զանազան համայնքներ։ Ամերիկայում թե՛ Եվրոպայում, Մերձավոր և Հեռավոր Արևելքներում թե՛ Ավստրալիայում այդ այցելություններն ընդգծել են Հայ եկեղեցու ներկայությունն ու հոգաժողությունը հայության հանդեպ։ Վեհափառը մշտապես հավատքի և հայրենասիրության պատգամներ է հղել այն հայորդիներին, որոնք, պատմական և սոցիալական տարբեր համաժամանակներում պայմանավորված, հեռու են հայրենիքից, սակայն մնում են կապված Հայ Առաքելական եկեղեցու հետ։ Վեհափառի ներկայությունը սփյուռքում դառնում էր հոգևոր խթան ազգային ինքնության պահպանման համար։

Նշանավոր են նաև Գարեգին Երկրորդ Կաթողիկոսի՝ Հայաստանի ուխտավայրեր այցելությունները։ Վեհափառ Հայրապետը իր գահակալության սկզբում, կարևորելով

Արցախի հայության հոգևոր պահանջներն ու զգալով Արցախ աշխարհի վանքերի գերբնական զորությունը, հովվապետական այցելությամբ մեկնել է Արցախի թեմ։ Արցախ իր անդրանիկ այցելության ընթացքում նա հանդիպումներ է ունեցել Արցախի նախագահի և Ազգային ժողովի ներկայացուցիչների հետ։ Հատկապես խանդավառ են անցել ժողովրդի հետ համդիպումները։ Հայոց Հովվապետն այցելել է մոտ մեկ տասնյակ գյուղեր ու քաղաքներ, գրուցել և գոտեպնդել արցախցիներին, հորդորել ամուր կառուցել հայրենյաց հողին և Սուրբ եկեղեցուն։ Հատկանշական է Հայրապետի խոսքը Շուշիի Սուրբ Ղազանչեցոց մայր տաճարում. «Հինգ օր է, որ մենք աղոթում ենք մեր ժողովրդի զավակների հետ, այն ժողովրդի, որ ութսուն և ավելի տարիներ առիթ չի ունեցել աղոթքի կանգնելու իր սրբազան տաճարների մեջ. առիթ չի ունեցել իր աղոթքը միահյուսելու իր հոգևոր առաջնորդների և իր Հայրապետի՝ առ Աստված բարձրացող աղերսին ու խնդրանքին։ Եվ ամենուր, ուր որ եղանք, տեսանք հոգու խնդություն, տեսանք բերկրանք ու ցնծություն մեր ժողովրդի զավակաց հոգիներում։ Եվ թունդ առավ մեր սիրտը, ու մոր ուժգնությամբ, մոր ջերմեռանդությամբ մեր աղոթքը խուսկի քուրաների հետ մեր սրտից բարձրացավ առ Աստված... Եվ անսասան էր մեր հավատը, և հայրույցաց շուրթերից մա Աստված բարձրացող աղոթքն ընդունելի էր որպես անուշահոտ զոհ Աստուծո առջև» («Էջմիածին», 2000, Թ, էջ 33)։

Վեհափառ Հայրապետն իր ուխտագնացությունների և անթիվ այցելությունների ընթացքում ոչ միայն ժողովրդին փոխանցել է քրիստոնեության ոգին, այլև ինքն էլ ոգեշնչվել է հայ ժողովրդի ներքին զորությունից։ Նորին Սրբությունը հաճախ է խոստովանել, որ յուրաքանչյուր այցելության ժամանակ, տեսնելով հավատավոր հայորդիների նվիրվածությունը, հոգևոր կյանքի ծարավն ու հայրենիքի և Սուրբ եկեղեցու հանդեպ սերը, իր՝ հոգևոր առաջնորդի խանդավառությունը կրկնապատկվել է, դրանք իր համար դարձել են զորացման առիթ և ուժ։ Նույնը զգացել են հավատացյալները՝ անմիջականորեն ստանալով Ամենայն Հայոց Կաթողիկոսի սերն ու օրհնությունը...

Վազգեն արեղա ԿԱՐԱՊԵՏՅԱՆ

Երբ հավատքը գործ է դառնում...

Սուրբ Էջմիածնի բարեսիրական գործունեությունը 2014—2024 թթ.

Սոցիալական ծառայություններ քրիստոնեական առաքելության կարևորագույն ուղղվածություններից է, որի արմատները հասնում են մինչև Ավետարան։ Բարեգործությունը, մերձավորի հանդեպ հոգատարությունը, կարոտյալներին աջակցելը քրիստոնեության էությունն են, քրիստոնեական սիրո և զթարսության դրսևորումներ։

Սկզբնավորումից սկսած՝ եկեղեցին գիտակցել է իր կոչումը՝ լինել ոչ միայն հոգևոր ուսուցիչ, այլև հեմարան բոլոր տառապողների ներկային կյանքում։ Եկեղեցու բարեսիրությունը բխում է Հիսուս Քրիստոսից, Նրա խոսքից ու գործից։ Լեռան քարոզում Հիսուս կոչ էր անում հոգ տանել աղքատների, ծարավածների, հիվանդների, գերեվարվածների և սովյալների համար (Մատթ. ԻԵ 35—40)։ Քրիստոս միայն չխոսեց սիրո մասին, այլև գործով անձամբ ցույց տվեց ճշմարիտ վարք՝ բուժելով հիվանդներին, կերակրելով սովյալներին, մխիթարելով վշտացածներին։ Ուստի, Հիսուսի կյանքը մարդկանց ծառայելու լավագույն օրինակն է։

Առաքյալները ևս անմասն չմնացին իրենց Ուսուցչի նմանօրինակ ծառայությունից։ Սրա վառ ապացույցն է «Գործ առաքելոց»-ում Վաղ եկեղեցու կազմավորման նկարագրությունը, որտեղ «ամեն բան ընդհանուր էր» (Գործք Բ 44—45)։

Այսօր, երբ լսում ենք «Եկեղեցի» բառը, շատերին մտնում ծագում է պատկեր՝ գմբեթավոր շենք, աղոթք, ծես, մոմ... Սակայն դա միայն արտաքին կողմն է։ Իրական եկեղեցին կենդանի համայնք է՝ կազմված այն

հավատացյալներից, որոնք միավորված են սիրով ի Քրիստոս։ Իսկ սերը, ինչպես գրում է Սիլվեստր առաքյալը, դրսևորվում է ոչ միայն խոսքով, այլև գործով. «Հավատն առանց գործերի մեռած է» (Հակ. Բ.26)։

Ինչպես Քրիստոս կերակրում, բժշկում, մխիթարում էր մարդկանց, այդպես էլ եկեղեցին այսօր կոչված է ծառայելու իր զավակներին ամենատարբեր ձևերով։ Եկեղեցու սոցիալական ծառայությունը գործում է՝ կարիքավորներին օգնություն ցուցաբերելու, տկարներին աջակցելու, հիվանդների, որբերի, այրիների, անօթևանների, դատապարտյալների, արտաքսվածների, միայնակների, տարեցների ու հաշմանդամների հանդեպ հոգաժողություն դրսևորելու ուղղությամբ։ Սոցիալական ծառայությունը պարզապես սոցիալական աշխատանք չէ։ Քրիստոնյայի համար այն հավատքի արտահայտություն է և վկայություն Հիսուս Քրիստոսի մասին։ Աստծու հանդեպ սերն անպայման արտահայտվում է մերձավորի հանդեպ սիրով։ Սա անձնական վերափոխման, հոգևոր աճի և Աստծուն՝ այլ մարդու կերպարանքով հանդիպելու ճանապարհն է։ Ինչպես գրել է Սուրբ Հովհաննես Ռսկեբերանը. «Եթե դու Քրիստոսին չես տեսնում տաճարի դռան մոտ գտնվող աղքատ մարդու մեջ, Նրան չես գտնի նաև սկիհի մեջ»։

Մեր Տեր և Փրկիչ Հիսուս Քրիստոս Ավետարանում ասում է. «Քաղցած էի, և ինձ ուտեցիք տվիք, ծարավ էի, և ինձ ջուր տվիք՝ խմելու. օտար էի, և ինձ ձեր մեջ առաք, մերկ էի, և ինձ հագցրիք, հիվանդ էի, և ինձ տես-

նելու եկաք, բանտում էի, և ինձ այցի եկաք» (Մատթ. ԻԵ 35—36)։ Եվ երբ ունկնդիրներն այս խոսքերից զարմացան, Նա պատասխանեց. «Ճշմարիտ են ասում ձեզ, քանի որ իմ այս փոքր եղբայրներից մեկին արեցիք այդ, ինձ համար արեցիք» (Մատթ. ԻԵ 40)։ Ահա եկեղեցու և առհասարակ սոցիալական ծառայության իրական էությունը՝ յուրաքանչյուր տառապողի մեջ տեսնել Հիսուս Քրիստոսին։ Սուրբ հայրերն ասում են՝ ամենքս է սիրել Աստծուն՝ առանց սիրելու մարդուն։ Առաջին դարերում եկեղեցին նվիրատվություններ էր հավաքում ոչ թե շենքեր կառուցելու, այլ այրիներին, որբերին և գերիներին օգնելու համար։ Եվ կարոտյալներին աջակցելու այս ավանդույթը շարունակվում է նաև մորազույն ժամանակներում։ Այսպես, ուղղափառ, կաթոլիկ և բողոքական համայնքները հիմնեցին բարեգործական կազմակերպություններ, անօթևանների համար տներ, դպրոցներ և հիվանդանոցներ։

Տարբեր քրիստոնեական հարանվանություններ սոցիալական ծառայությունն ընդունում և իրականացնում են ընդհանուր գաղափարով, սակայն տարբեր շեշտադրումներով։ Ուղղափառությունը կարևորում է անձնական զոհաբերությունը, զթարսությունը և հոգևորի ու սոցիալականի համատեղ գործունեությունը։ Վերջին տարիներին Ռուս Ուղղափառ եկեղեցին ակտիվորեն զարգացնում է սոցիալական ծառայության կենտրոններ, հիմնում քոյուրություններ, ապաստարաններ, կամավորական շարժումներ։ Կաթոլիկ եկեղեցին ստեղծել է «Caritas» լայնաճյուղ

ցանցը՝ աշխարհի խոշորագույն քրիստոնեական բարեգործական կազմակերպությունը։ Կաթոլիկները մեծ ուշադրություն են դարձնում սոցիալական արդարությանը, մարդու իրավունքների պաշտպանությանը և աղքատության դեմ համակարգված պայքարին։ Բողոքականները՝ հատկապես ավետարանականները, եռանդուն ծավալում են գործնական օգնություն՝ հաճախ հիմնվելով կամավորական նախաձեռնությունների և փոքր խմբերի վրա։ Բողոքականները հակված են համատեղելու սոցիալական ծառայությունն ավետարանչությանը։

Պատմությունը բազմաթիվ օրինակներ է վկայում, երբ Հայ եկեղեցին դարձել է հույսի աղբյուր ամենադժվար ժամանակներում։ Պատերազմների և սովի, հալածանքների և համաճարակների տարիներին Հայոց եկեղեցին լույս էր բերում այնտեղ, որտեղ այլևս ոչ ոք չէր սպասում դրան։ Այսօր նույնպես շարունակվում է դա։

Հայաստանյայց Առաքելական Սուրբ եկեղեցին, Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի հայրապետական բարձր տնօրինությամբ, իրականացրել է բազմաթիվ սոցիալական ծրագրեր՝ կրթական, առողջապահական, մարդասիրական՝ ուղղված հիվանդներին, անապահով ընտանիքներին, տեղահանվածներին՝ արցախցիների, սիրիահայերի, իրաքահայերի, սփյուռքյան որոշ համայնքների, զինվորականներին, զոհված զինվորների ընտանիքներին, վիրավորներին, ծնողազուրկ երեխաներին, տարեցներին, ուսանողներին։ ➔ էջ 10

Ս. Էջմիածնի կրթադաստիարակչական առաքելությունը

Նայ Առաքելական Սուրբ Եկեղեցին դարեր շարունակ եղել է ոչ միայն հոգևոր, այլև ազգային ինքնության պահպանման հենասյուններից մեկը: Իր հոգևոր առաքելությանն առընթեր՝ Հայ Եկեղեցին, ոսկեդարից սկսած, ծավալել է նաև կրթադաստիարակչական գործունեություն, եղել հայ ժողովրդի կյանքի կրթական հիմնական շարժիչ ուժը: Այդ առաքելությունը շարունակվում է նաև արդի փուլում՝ Գարեգին Բ Ամենայն Հայոց Կաթողիկոսի գահակալության շրջանում:

Ն.Ս.Օ.Տ.Տ. Գարեգին Բ Հայրապետի գահակալության ընթացքում՝ 1999 թվականից առաջ, նոր բովանդակություն ու զարգացման թափ ստացավ Մայր Աթոռի կրթական և դաստիարակչական առաքելությունը՝ կարևորելով թե՛ ավանդական հոգևոր կրթության վերակազմավորումը, թե՛ ժամանակակից կրթամշակութային մարտահրավերներին համարժեք արձագանքը: Սակայն մինչև բուն հարցին անդրադառնալը՝ կարևոր ենք համարում համառոտ ներկայացնել Մայր Աթոռ Ս. Էջմիածնի կրթադաստիարակչական պատմական առաքելությունը, որի վրա խարսխված է ժամանակակից Հայ Եկեղեցու բարեկրթական համակարգը՝ ավանդականի ու նորարարականի արդյունավետ համադրումներով:

Այսպես, միջնադարյան շրջանի կրթությունը ձևավորվել է Հայ Եկեղեցու հովանու ներքո՝ վանական դպրոցների, բարձրագույն կրթօջախների և ձեռագրության կենտրոնների միջոցով: Պատմական ամփոփ ակնարկի դեպքում կունենանք հետևյալ պատկերը.

Ա. Վանական դպրոցներ (V–VII դարեր). առաջին դպրոցները բացվել են Վաղարշապատում, Դվինում, Սյունիքում և Արտաշատում:

Բ. Համալսարաններ.


1. *Գլաժորի համալսարան (XIII դար)*
2. *Տաթևի համալսարան (XIV–XV դարեր):*

Միջնադարյան Հայաստանի վանական համալսարանները ոչ միայն ձևավորեցին ազգային ու հոգևոր վերմախավ, այլև ստեղծեցին այն հոգևոր-մշակութային ենթահողը, որի վրա հետագա դարերում շարունակվում էր զարգանալ հայ կրթական ավանդույթը՝ անգամ օտար տիրապետությունների ու քաղաքական ցնցումների պայմաններում: Չնայած հետագա դարերում հատկապես օսմանյան և պարսկական տիրապետությունների ժամանակաշրջանում, բարձրագույն կրթությունը թուլացավ, Հայ Առաքելական Եկեղեցին շարունակվում էր իր կրթադաստիարակչական առաքելությունը՝ առաջին հերթին վանական դպրոցների, թաղային հոգևոր կրթօջախների, ծխական դպրոցների միջոցով՝ հոգալով ոչ միայն տղաների, այլև աղջիկների կրթությունը:

Սկսած 18–19-րդ դարերից՝ Եկեղեցու հովանու ներքո հիմնադրվում էին աղջիկների համար նախատեսված դպրոցներ, ինչպես՝ Կոստանդնուպոլսի «Հռիփսիմյան օրհորդաց վարժարանը» (1850-ականներ), Ջմյուռնիայի «Սրբուհի Մարիամյան դպրոցը», Թիֆլիսի «Սուրբ Նշան օրհորդաց վարժարանը», Վասպուրականի, Ալեքսանդրապոլի ու Երևանի մի շարք ծխական օրհորդաց դպրոցներ: Նմանատիպ դպրոցներ գործել են նաև Մայր Աթոռ Սուրբ Էջմիածնի հովանու ներքո՝ հատկապես 19-րդ դարի վերջից սկսած: Այսօր նույապես, Ն.Ս.Օ.Տ.Տ. Գարեգին Բ Վեհափառի առաջնորդությամբ, Մայր Աթոռ Սուրբ Էջմիածինը քրիստոնեական կրթության զարգացման համակարգում ուշադրություն է դարձնում կանանց ու աղջիկների հոգևոր և բարոյական դաստիարակությանը: Այդ ծրագրերը, հիմնված լինելով ավանդական արժեքամակարգի վրա, միտված են ի հայտ բերելու կնոջ՝ որպես ընտանիքի, համայնքի և ազգի ինքնության կրողի առանցքային դերը: Հայ Եկեղեցու պատմական առաքելությունն այս ոլորտում ստանում է արդիական բովանդակություն՝ պահպանելով ավանդույթը, միաժամանակ արձագանքելով ժամանակի պահանջներին:

Այսպիսով՝ Հայ Առաքելական Եկեղեցին պատմության ընթացքում ոչ միայն պահպանում էր կրթության ու մշակույթի շարունակականությունը, այլև ընդլայնում էր իր հոգևոր ազդեցությունը՝ ընդգրկելով նաև այնպիսի դաշտեր, որոնք երկար ժամանակ գտնվել էին լուսավորչության սահմաններից դուրս: Այս հետևողական գործունեությունը հատկապես նշանակալի էր այն պայմաններում, երբ հայ ժողովուրդը կանգնած էր ճակատագրական փորձությունների ու ողբերգությունների առաջ:

Խորհրդային կարգերի հաստատումից հետո անմախաղեպ ճնշումներ գործադրվեցին Հայ Եկեղեցու նկատմամբ: Խորհրդային աթեիստական իշխանությունը նպատակ ուներ լիովին ջնջել կրոնի դերը հասարակական կյանքում՝ արգելելով հոգևոր կրթությունը, փակելով ձեմարանները և քայքայելով վանական կենտրոնների գործունեությունը: Այս քաղաքականության ամենախոր տուժողներից մեկը դարձավ հենց Եկեղեցու հոգևոր դասի պատրաստման գլխավոր կենտրոնը՝ Վերոյան հոգևոր ձեմարանը, որը բացվել էր դեռևս 1874 թ. և կարճ ժամանակում դարձել հայ հոգևոր-ազգային վերմախավի դարբնոցը: Խորհրդային ճնշումների հետևանքով այն փակվեց, և միայն 1945 թվականին՝ Գևորգ Զ Կաթողիկոսի ջանքերով, հնարավոր եղավ վերաբացել ձեմարանը՝ թեպետ սահմանափակ հնարավորություններով: Վազգեն Ա Վեհափառի առաջնորդության օրոք Մայր Աթոռը, հակառակ տիրող զաղափարախոսական սահմանափակումներին, կարողացավ որոշակի գործունեություն պահ-



Գևորգյան հոգևոր ձեմարան, 2018–2019 ուս. տարի



Ամենայն Հայոց Կաթողիկոսը պարգևատրում է ԳԶԾ բարձր առաջադիմությամբ և կարգապահությամբ սաներին, 2024 թ.

պանել կրթադաստիարակչական ոլորտում՝ սերունդների հոգևոր կապը չխզելու վճռականությամբ:

Խորհրդային Միության փլուզումից և Հայաստանի անկախացումից հետո Հայ Եկեղեցու կրթադաստիարակչական առաքելությունը, խորապես արմատավորված հայ ժողովրդի պատմության և մշակույթի մեջ, նոր շարունակություն ունեցավ Մայր Աթոռ Սուրբ Էջմիածնի գործունեության մեջ: Հայ Առաքելական Եկեղեցու կրթական գործունեությունը զարգացման նոր աստիճանի հասավ Գարեգին Ա Կաթողիկոսի օրոք (1995–1999) և առավել նշանավորվեց Գարեգին Բ Հայրապետի գահակալության ընթացքում:

Ստորև ներկայացնում ենք Գարեգին Բ Ամենայն Հայոց Կաթողիկոսի գահակալության տարիներին Մայր Աթոռ Սուրբ Էջմիածնի կրթադաստիարակչական ոլորտում իրականացված կարևոր ծրագրերը, նախաձեռնությունները, նշանակալի ձեռքբերումները:

Գևորգյան հոգևոր ձեմարան

1999 թվականից, Գարեգին Բ Վեհափառի նախաձեռնությամբ, ձեմարկվեցին համապարփակ բարեփոխումներ՝ կապված Գևորգյան հոգևոր ձեմարանի կանոնակարգի, դասավանդման մեթոդների և ուսումնական համակարգի արդիականացման հետ: 2002 թ. ձեմարանը ձեռք բերեց պետական բարձրագույն ուսումնական հաստատության աստվածաբանական համալսարանի կարգավիճակ, իսկ 2004–2007 թթ. նրան շնորհվեց բակալավրի և մագիստրոսի՝ կրթության երկաստիճան համակարգի ծրագրեր իրականացնելու իրավունք: Գարեգին Բ-ի հետևողական պահանջների ու ջանքերի արդյունքում 2016 թ. ՀՀ ԿԳՆ-ի կողմից Գևորգյան հոգևոր ձեմարանն ստացավ նաև ասպիրանտուրա բացելու իրավունք. Հայաստանի Հանրապետությունում ձեմարանն այսօր միակի բուհն է, որ կարող է շնորհել աստվածաբանության թեկնածուի գիտական աստիճան:

Գևորգյան հոգևոր ձեմարանի գլխավոր առաքելությունն է պատրաստել մկրիյալ և իրենց առաքելությամբ գիտակից Հայ Եկեղեցու հոգևորականների: Զեմարանում ներդրված մագիստրատուրայի և ասպիրանտուրայի ծրագրերը ապահովում են գիտաուսումնական բարձր մակարդակ:

Գևորգյան հոգևոր ձեմարանի առաքելության մեջ Նորին Սրբության ունեցած ներդրումը ձեմարանի տեսուչ Հոգեշնորհ Տ. Շահե ծայրագույն վարդապետ Անանյանը, 2024–2025 ուսումնական տարվա ավարտական հանդիսության ընթացքում այսպես է բնութագրել. «Հայոց Սրբություն Սրբոց Մայր Աթոռ Սուրբ Էջմիածնում հիմնադրված ու այդ կենսավետ ավիշից սնվող այս հաստատության պատմությունն այլևս չափվելու է դարերով... Գևորգյան ձեմարանի հիմնադիր Գևորգ Դ Մեծագործից մինչև ազգիս Ամենայն Հայոց Կաթողիկոս Գարեգին Բ Շինարար հայրապետների խնամող շնչով ու հեռահայաց տեսիլքով է կերտվել և կերտվում դարավոր այս ավանդույթը, նրանց հայրական շունչն է, որ հաստատուն է պահում մեր բոլորիս սիրելի Գևորգյան

ձեմարանը: Նրա սրբազան կամարների տակ հասակ առած մեծերն են հյուսել ձեմարանական կրթության պսակը, որն այսօր մեր վտիտ ճակատների ենք կրում՝ որպես ձեմարանավարտ հոգևորականներ»:

Վազգենյան հոգևոր դարանոց

Դարանոցը հիմնադրվեց 1990-ական թվականներին՝ Գարեգին Բ-ի նախաձեռնությամբ, երբ դեռևս Արարատյան Հայրապետական թեմի առաջնորդական փոխանորդ էր, և երանաշնորհ Վազգեն Ա Ամենայն Հայոց Կաթողիկոսի օրհնությամբ: Անվանակոչվեց Վազգենյան դարանոց՝ ի պատիվ Վազգեն Ա Ամենայն Հայոց Կաթողիկոսի:

Դարանոցը Գարեգին Բ Ամենայն Հայոց Հայրապետի հատուկ ուշադրության կենտրոնում է եղել միշտ. նա ջանք չի խնայել աջակցելու կրթադաստիարակչական գործի զարգացմանը: 2003–2004 թվականներից սկսյալ՝ Վազգենյան հոգևոր դարանոցում բակալավրի քառամյա ուսումնական ծրագիրն ավարտելուց հետո ուսանողները մագիստրոսական երկամյա կրթությունը շարունակում են Գևորգյան հոգևոր ձեմարանում:



Թրբանձյան ընծայարանի հիմնանորոգված շենքի նորանուխ արարողությունը, 2017 թ.

Հառիճավանքի Թրբանձյան ընծայարան

Ամենայն Հայոց Հայրապետ Գարեգին Բ-ի ջանքերով և Թրբանձյան ընտանիքի օժանդակությամբ 2011 թ. Հառիճավանքում վերաբացվեց հոգևոր ընծայարան՝ Գևորգյան հոգևոր ձեմարանին կից: 2013 թ. ապրիլին ՀՀ կրթության և գիտության նախարարության կողմից Հառիճավանքի ընծայարանին տրամադրվեց ավագ դպրոցի կրթական ծրագրեր իրականացնելու արտոնագիր:

Ընծայարանը գործում է Կրթության և գիտության նախարարության հաստատած ուսումնական և կրթական ծրագրերով, ավարտական քննությունները կազմակերպվում են ավագ դպրոցի կրթական ծրագրերին համապատասխան՝ նախարարության հետ համատեղ: Ընծայարանում, հանրապետության ավագ դպրոցներում իրականացվող ուսումնական-կրթական ծրագրերից բացի, դասավանդում են նաև հոգևոր առարկաներ:

Կալկաթաթայի հայոց մարդասիրական ձեմարան

Մայր Աթոռ Սուրբ Էջմիածնի կրթադաստիարակչական կենտրոններից է նաև Կալկաթայի հայոց մարդասիրական ձեմարանը, որի վերակազմավորումն ու վերագործարկումը ևս տեղի ունեցավ Գարեգին Բ Ամենայն Հայոց Կաթողիկոսի ջանքերով: Զեմարանը, պատմական արմատներ ունեցող կրթօջախ լինելով, իր երկրորդ շնչառությունն ստացավ Վեհափառ Հայրապետի հովվապետության տարիներին: Զեմարանը դարձավ նաև հոգևոր ու ազգային ինքնության

Գարեգին Բ Հայրապետի գահակալության տարիներին



Եօրնեկեան հանրակրթական դպրոցի մոր մասնաշենքի բացումը, 2017 թ.



պահպանման կենտրոն, որտեղ ոչ միայն փոխանցվում են գիտելիքներ, այլև ձևավորվում են արժեքներ: Այսօր Կալկաթայի հայոց մարդասիրական ճեմարանը ներկայանում է որպես տարածաշրջանային հեմակետ՝ մշակութային երկխոսության, կրթության և հոգևոր կյանքի զորացման տեսանկյունից՝ արտահայտելով Մայր Աթոռի և Վեհափառի ռազմավարական տեսլականը՝ կրթությունը դիտարկելով որպես հոգևոր վերածննդի, ազգային միասնականության և մարդակենտրոն դաստիարակության հիմք:

Եօրնեկեան հանրակրթական դպրոց

Գարեգին Բ-ի նախաձեռնությամբ 2009 թ. հիմնադրվեց նաև Եօրնեկեան դպրոցը՝ արգենտինահայ գործարար Էդուարդո Եօրնեկեանի հովանավորությամբ: Եօրնեկեան դպրոցը եռաստիճան է, կրթությունը իրականացվում է պետական ծրագրով և անվճար է: Դպրոցում գործում են վեց առարկայական մասնախմբեր՝ հայոց լեզվի և գրականության, պատմության, բնագիտամաթեմատիկական, օտար լեզուների, տարրական դասարանների, ֆիզիկական և հոգևոր զարգացվածության:

Քրիստոնեական դաստիարակության կենտրոն

Գարեգին Բ Ամենայն Հայոց Կաթողիկոսի գահակալության օրոք Մայր Աթոռ Սուրբ Էջմիածնի կողմից քրիստոնեական դաստիարակության ոլորտում ևս իրականացվել են մի շարք բովանդակային նախաձեռնություններ: Վեհափառ Հոր գործունեության առաջնահերթություններից են եղել հայ ժողովրդի քրիստոնեական դաստիարակության վերածնունդն ու նոր դարաշրջանի հոգևոր կրթության զարգացումը:

Այստեղ հարկ ենք համարում հատուկ անդրադարձ կատարել «Հայ Եկեղեցու պատմություն» առարկայի ներդրմանը հանրակրթական դպրոցական ծրագրում:

Մայր Աթոռը՝ Վեհափառ Հոր գլխավորությամբ, մեծապես ներգրավված է եղել Հայաստանի դպրոցներում «Հայ Եկեղեցու պատմություն» առարկայի ներդրման գործում, որպեսզի մեր երեխաները խորապես ճանաչեն մեր պատմությունը, որ սերտորեն առնչված է Հայ Եկեղեցու պատմությանը: 2002 թ. Մայր Աթոռ Սուրբ Էջմիածնի և ՀՀ կառավարության միջև կնքվեց համաձայնագիր՝ ՀՀ հանրակրթական դպրոցներում «Հայ Եկեղեցու պատմություն» առարկան ներդնելու վերաբերյալ: Համաձայնագիրը ստորագրել են Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսը և ՀՀ վարչապետ Անդրանիկ Մարգարյանը: 2005 թ. Վեհափառ Հայրապետի և ՀՀ ԿԳ Մախարար Սերգո Երիցյանի միջև կնքված համաձայնագրով կարգավորվել են առարկայի ուղղվածությամբ յուրաքանչյուր կողմին վերապահված աշխատանքները: «Հայ Եկեղեցու պատմությունը» 2005 թվականից ընդգրկվել է հանրակրթական դպրոցների պետական ուսումնական ծրագրի 4–10-րդ, հետագայում՝ 5–11-րդ դասարանների առարկայացանկում:

Մայր Աթոռ Ս. Էջմիածնի Քրիստոնեական դաստիարակության կենտրոնը հսկայական աշխատանք է իրականացրել հատկապես ուսուցիչների պատրաստման ու վերապատրաստման, ինչպես նաև համապատասխան դասագրքերի ստեղծման գործում: Ցավով արձանագրում ենք, որ սույն թվականի սեպտեմբերից «Հայ Եկեղեցու պատմություն» առարկան ամբողջությամբ դուրս է մնացել դպրոցական ուսումնական ծրագրից՝ չնայած առարկայի կենսական անհրաժեշտությանը հայ աշակերտների դաստիարակության գործում: Անդրադառնալով դասընթացի առաքելությանը՝ Քրիստոնեական դաստիարակության կենտրոնի տնօրեն Հոգեշնորհ Տ. Զաքարիա Ժ. վրդ. Բաղդույանը հստակորեն նշում է. «Այս դասընթացն օգնում է ձևավորել հայրենասեր, հայրենատեր ու աստվածասեր անհատի, որն ունի ամուր ինքնություն՝ պատրաստ ամեն ինչ անելու հայոց պետության զորացման և մեր ազգի բարօրության համար: Անցնող 18 տարիների փորձառությունը ցույց է տալիս, որ առարկայի շնորհիվ դպրոցական պատանին և համալսարանա-

կան երիտասարդն ավելի գրագետ են հոգևոր գիտելիքների առումով և քաջատեղյակ՝ Մայր Եկեղեցու առաքելությանը: Նրանք եկեղեցի են այցելում ոչ թե ավանդույթի ուժով, այլ գիտակցաբար:

Բնականաբար, շարունակում է Հայր Սուրբը, այս առարկան տարբերվում էր դպրոցում դասավանդվող մյուս առարկաներից: Եթե մյուսների գլխավոր նպատակն առավել որոշակի գիտելիքի փոխանցումն է, ապա ՀԵՊ-ի միջոցով աշակերտի մեջ ձևավորվում են նաև ոգի, կամք, հոգևոր-բարոյական արժեքներ, որոնց շնորհիվ շատ հաճախ լուծվել են միջանձնային խնդիրներ ևս: Շատ կարևոր է նաև, որ ՀՀ ապագա քաղաքացին քաջատեղյակ լինի Հայոց Եկեղեցու հոգեփրկչական և ազգապահպան առաքելությանը, ծանոթանա հոգեմտավոր այն հարուստ ժառանգությանը, որ ստեղծվել է հենց Հայոց Եկեղեցու ծոցում՝ մեր լուսավոր հայրապետների և վարդապետների կողմից: Համաշխարհայնացման, արհեստական բանականության առկայության պայմաններում այսօր առավել, քան երբևէ, կարևոր են ինքնության բարձր գիտակցությունն ու պահպանությունը մեզ նման փոքր ազգերի դեպքում: Եվ այս առարկան ընդհանրական տեսանկյունից փորձել է նաև այս խնդիրը լուծել:

Նորին Սրբության օրոք քրիստոնեական դաստիարակությունը Մայր Աթոռի գործունեության առանցքում է եղել միշտ: Չնայած քննադատություններին և որոշ հարցերում պետություն-եկեղեցի հարաբերությունների լարվածությանը՝ Մայր Աթոռը շարունակել է և մինչ օրս շարունակում է իր գործը հետևողականությամբ՝ ընդգծելով հավատքի դերը հայ ժողովրդի կյանքում:



Վեհափառը Հայորդյաց տների սաների հետ, 2020 թ.

Մայր Աթոռ Սուրբ Էջմիածնի և Հայկական բարեգործական ընդհանուր միության Հայորդյաց տներ

1993 թվականին, Նորին Սրբության (այն օրերին Արարատյան Հայրապետական թեմի առաջամորդական փոխանորդ) նախաձեռնությամբ և Հայկական բարեգործական ընդհանուր միության նախագահ մեծազնիվ Լուիզ Մանուկյան-Սիմոնի աջակցությամբ, Արարատյան Հայրապետական թեմն ստանձնեց Երևանում գործող մանկապատանեկան ստեղծագործական կենտրոններից երեքի կառավարումը, որոնք վերանվանվեցին Հայորդյաց տներ: Հետագայում այդ թիվը հասավ 8-ի, և այսօր Հայաստանում գործում են 8 հայորդյաց տներ, որոնցից 4-ը՝ քաղաքային Երևանում (Նոր Նորք, Արաբկիր, Մալաթիա-Սեբաստիա, Քանաքեռի մանրանկարչության կենտրոն), իսկ մնացյալ 4-ը՝ մարզերում (Վաղարշապատ, Վանաձոր, Աշտարակ, Գյումրի քաղաքներ):

Հայորդյաց տներում երեխաներն ուսանում են կիրառական արվեստ, կերպարվեստ, երգ-երաժշտություն, պար, կրկեսային խաղեր, լրագրություն, ավիամոդելավորում, օտար լեզուներ: Գործում են նաև սպորտային խմբակներ: Այդտեղ շարունակաբար իրագործվում են նորանոր ծրագրեր, կազմավորվում նոր դասարաններ: Հայորդյաց տների խմբերը ժամանակ առ ժամանակ հանդես են գալիս ելույթներով՝ տարբեր առիթներով և տարբեր վայրերում:

Հայ Եկեղեցու Համաշխարհային Երիտասարդական Միավորում

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի օրհնությամբ հիմնադրվեց նաև Հայ Եկեղեցու Համաշխարհային Երիտասարդական Միավորումը (ՀԵՅԵՄ), որ դարձավ Մայր Աթոռ Սուրբ Էջմիածնի կրթադաստիարակչական քաղաքականության կարևոր առանցքներից մեկը: Այն ձևավորվել է որպես համակարգված կառույց՝ ուղղված հայ երիտասարդության հոգևոր, ազգային և համայնքային գիտակցության ձևավորմանը թե՛ հայրենիքում, թե՛ սփյուռքում: ՀԵՅԵՄ-ի գործունեության շրջանակում կազմակերպվում են համահայկական ուխտագնացություններ, տարա-



Գարեգին Բ Հայրապետն իր օրհնությունը բաշխեց ՀԵՅԵՄ-ի կողմից կազմակերպված «Քրիստոնյա ընտանիքը հայ ինքնության խարիսխ» համահայկական ուխտագնացության մասնակիցներին, 2025 թ., 3 հուլիսի

ծաշրջանային ու միջազգային ֆորումներ, կրթական և սոցիալական ծրագրեր, որոնց նպատակը հոգևոր արժեքների փոխանցումն է երիտասարդ սերնդին՝ համադրելով ավանդական դաստիարակությունն ու ժամանակի պահանջները: Այսօր ՀԵՅԵՄ-ը մի միավոր է, որտեղ երիտասարդ հայը ոչ միայն ճանաչում է իր հոգևոր արմատներն ու ինքնությունը, այլև մասնակցում է նրանց պահպանման ու տարածման գործին:

Ամփոփելով վերստին հաստատենք, որ Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի գահակալության տարիներին Մայր Աթոռ Սուրբ Էջմիածինը վերաաշխուժացրեց իր պատմական առաքելությունը՝ դառնալով ոչ միայն հոգևոր առաջնորդական կենտրոն, այլև ազգային դաստիարակության կարևոր առանցք: Ստեղծվեցին ու վերաբացվեցին կրթական մոր կենտրոններ, եղածները նվաճեցին զարգացման մոր մակարդակ: Վեհափառի նախաձեռնությամբ ձևավորվեց համակարգված կրթադաստիարակչական ռազմավարություն, որի շրջանակներում քրիստոնեական հավատքը վերագտավ իր տեղը դպրոցում՝ «Հայ Եկեղեցու պատմություն» առարկայի և դասավանդման արդի մեթոդների միջոցով: Հստակեցվեց և խորացվեց Եկեղեցի-դպրոց, Եկեղեցի-բանակ, Եկեղեցի-ընտանիք կապը: Ստեղծվեցին ծրագրեր, որոնք ուղղված էին ոչ միայն երիտասարդությանը, այլև մեծահասակներին՝ համադրելով ավանդույթն ու ժամանակակից կրթության պահանջները: Մեղիա ոլորտում Եկեղեցու ներկայության ընդլայնումը, հոգևորականների ներգրավումը հանրային կյանքում և ազգային արժեքների խթանումը վերածվեցին կրթական ու ազգային քաղաքականության կարևոր բաղադրիչների:

Այսպիսով՝ Գարեգին Բ Վեհափառի օրոք Մայր Աթոռի կրթադաստիարակչական առաքելությունը ոչ միայն շարունակվեց, այլև զարգացավ ժամանակի մարտահրավերներին համապատասխան՝ հավատքը վերածելով գիտակցված ընտրության, կրթությունը՝ հոգևոր արժեքների փոխանցման հարթակի, իսկ Եկեղեցին՝ ինքնության պահպանման ամուր հիմնասյուն:

Ամեն հայի սրտից բխած,
Լսիր այս ձայն, ով Աստված.
Երկար կյանք տուր Հայրապետին,
Երկար օրեր Հայոց Հոր.
Տեր, անսասան պահիր դու միշտ
Քո իսկ հիմնած Մայր Աթոռ...

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի արտասահմանյան այցերի և միջազգային գործունեության դերն ու նշանակությունը

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի արտասահմանյան այցելությունները և հանդիպումները վերջին երկու տասնամյակներում ձևավորել են դիվանագիտական ու հոգևոր մի հզոր հարթակ, որտեղ համադրվել են եկեղեցական ծառայությունը, պետական ու միջեկեղեցական հարաբերությունների խորացումը, ինչպես նաև սփյուռքի հետ կապերի ամրապնդումն ու համայնքային ներդրումների ապահովումը: 1999 թ. իր գահակալությունից ի վեր Վեհափառ Հայրապետը ձեռնամուխ եղավ հովվապետական և դիվանագիտական համընդգրկուն և լայնածավալ գործունեության՝ միայն 1999–2017 թվականներին կատարելով շուրջ *հինգ հարյուր հիսուն* այց: Այդ այցելություններն ընդգրկում էին թե՛ Հայաստանի տարբեր մարզեր ու Արցախ, թե՛ տարբեր տարածաշրջաններ ու երկրներ և սփյուռքի թեմեր՝ ապահովելով Հայ եկեղեցու ներկայությունը համազգային ու միջազգային կյանքում՝ իբրև հոգևոր առաջնորդության և ազգային ինքնության պահպանման հաստատուն կառույցի:

Նորին Սրբության արտասահմանյան այցերը կարևոր են նաև իրենց բովանդակությամբ. դրանք միայն պաշտոնական հանդիպումներ ու արարողություններ չեն, այլև հայ ժողովրդի միջազգային ներկայացվածության դրսևորումներ: Մայր Աթոռ Սուրբ Էջմիածինը Գարեգին Երկրորդ Վեհափառի գահակալության տարիներին նաև հյուրընկալել է բազմաթիվ պետությունների և միջազգային կառույցների ղեկավարներ: Այսպես, 2020 թվականին Վեհափառ Հայրապետը պաշտոնապես ընդունեց Հորդանանի թագավոր Աբդալլահ II-ին, որի հետ քննարկվեցին Մերձավոր Արևելքի խաղաղության և քրիստոնյա համայնքների պաշտպանության հարցերը: Այս այցը դարձավ այն բացառիկ պահերից մեկը, երբ Էջմիածինը ներկայացավ որպես տարածաշրջանային համակեցության և հանդուրժողականության խորհրդանշ: Նմանատիպ կարևորություն ունենալով նաև Հռոմի Պապ Ֆրանցիսկոսի՝ 2016 թվականի այցը Հայաստան, որի ընթացքում Էջմիածնում Վեհափառ Հայրապետի հետ ստորագրվեց համատեղ հռչակագիր: Այն ամրագրեց երկու եկեղեցիների մերձեցման ու համագործակցության սկզբունքներն ու ուղեւիշները՝ խաղաղության, արդարության և մարդու իրավունքների վկայության համատեքստում: Միջեկեղեցական այս կարևոր փաստաթուղթը հետագա տարիներին բազմիցս արժևորվել է՝ իբրև հայ-կաթոլիկ եկեղեցական հարաբերությունների հիմնաքար:

Կաթողիկոսի միջազգային գործունեության առաջնային դրվագներից են նաև Մոսկվայում կայացած եռակողմ ձևաչափով հանդիպումները Մոսկվայի և Համայն Ռուսիո Պատրիարք Կիրիլի և Կովկասի մուսուլմանների առաջնորդ Շեյխ-ուլ-Իսլամ Փաշազադեի հետ: Այդ հանդիպումները թեև միշտ չեն ունեցել ամբողջական արդյունքներ, սակայն կարևոր էին իրենց հոգևոր և քաղաքական արժեքներով՝ նպաստելով տարածաշրջանային կայունության և կրոնական համակեցության մթնոլորտի ամրապնդմանը: Միջեկեղեցական և միջկրոնական երկխոսությունը, որին հետևողականորեն մասնակցում է Վեհափառ Հայրապետը, ձևավորում է վստահության ու համագործակցության կամուրջներ տարբեր կրոնական համայնքների միջև:



Պաղեստինի նախագահ Յասեր Արաֆաթը «Բեթղեհեմ 2000» շքանշանով պարգևատրեց Գարեգին Երկրորդ Վեհափառին, 2000 թ., 18 հունվարի



Հորդանանի թագավոր Ն. Վ. Աբդալլահ Բ-ին Հռոմում Հորդանանի բարձրագույն՝ Ա կարգի շքանշան, 2000 թ., 16 հունվարի



Գարեգին Բ Վեհափառի և Վրաստանի նախագահ Միխեիլ Կալեշվիլիի հանդիպումը, Ս. Էջմիածին, 2025 թ., 29 ապրիլի

Պետական մակարդակի գնահատանքները նույնպես առանձնահատուկ խորհուրդ ունեն: Գարեգին Բ Ամենայն Հայոց Կաթողիկոսը պարգևատրվել է տարբեր երկրների բարձրագույն շքանշաններով՝ այդ թվում՝ Պաղեստինի նախագահ Յասեր Արաֆաթի շնորհած «Բեթղեհեմ 2000» շքանշանը, Հորդանանի թագավոր Ն. Վ. Աբդալլահ Բ-ին Հռոմում շնորհած Հորդանանի բարձրագույն՝ Ա կարգի շքանշանը, Ռումինիայի ազգային բարձրագույն՝ «Ռումինիայի աստղ» շքանշանը, Ֆրանսիայի Պատվավոր Լեգեոնի շքանշանը, Ռուսաստանի Դաշնության նախագահ Վլադիմիր Պուտինի կողմից շնորհված Ռուսաստանի Դաշնության Պատվո շքանշանը, ինչը վկայում է հայաշուկայից եկեղեցական և մշակութային ամուր կապերի մասին, և այլն: Նման պարգևատրումները ցույց են տալիս, որ Գարեգին Երկրորդ Ամենայն Հայոց Կաթողիկոսի գործունեությունը դիտարկվում է ոչ միայն որպես եկեղեցական առաջնորդի, այլև միջպետական հարա-

բերությունների ու ժողովուրդների միջև բարեկամության կարևոր միջնորդի առաքելություն: Գարեգին Երկրորդ Կաթողիկոսի՝ արտերկիր այցելությունները նույնպես կարևոր են սփյուռքի հետ կապերի ամրապնդման առումով: Վեհափառ Հայրապետի հովվապետական բազմաթիվ շրջապայություններ եվրոպայի, Մերձավոր Արևելքի, Հնդկաստանի, ԱՄՆ-ի և աշխարհի այլ հայաշատ կենտրոններ ծառայել են ոչ միայն սփյուռքի համայնքային կյանքին մասնակից դառնալու, այլև այնտեղ կրթական, մշակութային ու շինարարական ծրագրեր մեկնարկելու գործին: Սփյուռքի բարերարները հաճախ պարգևատրվել են Մայր Աթոռի բարձրագույն շքանշաններով՝ ի նշան երախտագիտության: Նրանց ներդրումները հնարավորություն են ընձեռել իրականացնելու եկեղեցիների և կրթամշակութային ու հոգևոր հաստատությունների հիմնարկներ, կառուցումներ և օժանդակել թե՛ հայրենիքում, թե՛ արտերկրում, որոնք ամրապնդել են եկեղեցու ներկայությունն ամենուր:

Գարեգին Երկրորդ Կաթողիկոսի գործունեության կարևոր ուղղություններից են նաև միջազգային և ստեղծելով մոր հնարավորու-



Գարեգին Բ Կաթողիկոսը Համայն Ռուսիո Պատրիարք Ալեքսի Բ-ի և ՌԴ նախագահ Վ. Պուտինի հետ, Մոսկվա, 2000 թ., 1 մարտի



Գարեգին Երկրորդ Վեհափառի և Իրաքի Հանրապետության նախագահ Աբդուլ Լատիֆ Ջաֆարի հանդիպումը, Ս. Էջմիածին, 2023 թ., 22 նոյեմբերի



Գարեգին Երկրորդ Ամենայն Հայոց Կաթողիկոսը և Գերմանիայի Դաշնային Հանրապետության նախագահ Ֆրանկ-Կլաուսեր Հոայնմայերը Ս. Էջմիածին, 2025 թ., 1 ապրիլի

նեք: Նա բազմիցս հանդես է եկել ելույթներով տարբեր երկրների մայրաքաղաքներում և միջազգային կազմակերպությունների հարթակներում՝ ընդգծելով խաղաղության, Հայոց ցեղասպանության դատապարտման, Արցախյան հիմնախնդրի և պատմական արդարության վերականգնման, Արցախի մեր հայրենակիցների՝ իրենց բնօրրանում ապրելու անբեկանելի իրավունքի, ինչպես նաև կրոնական ազատությունների ու մարդու իրավունքների հարցերը: Վեհափառի ելույթները միջազգային հանրության ուշադրության կենտրոն են բերել ոչ միայն Հայոց Առաքելական եկեղեցու հարցերը, այլև հայ ժողովրդի արդար պայքարն ու տարածաշրջանի անվտանգային խնդիրները:

Այս ամենը վկայում է, որ Գարեգին Բ Ամենայն Հայոց Կաթողիկոսի միջազգային այցելություններն ու հանդիպումները պետք է դիտարկել ոչ միայն որպես եկեղեցական առաքելության բաղկացուցիչ, այլև որպես դիվանագիտական լայնածավալ գործունեություն: Նրա այցելությունները ծառայել են որպես «փափուկ ուժ»՝ միջազգային ասպարեզում ամրապնդելով Հայաստանի բարենպաստ կերպարը և ստեղծելով մոր հնարավորու-

թյուններ հայ ժողովրդի համար: Սփյուռքի հետ հարաբերությունները դարձան կամուրջներ, որոնք միջոցով ձևավորվեց ներդրումային ու կրթամշակութային միջավայր: Իսկ պետական և կրոնական առաջնորդների հետ հանդիպումները վերածվեցին միջազգային բարեկամության և խաղաղության մոր ուղիների բացող միջոցառումների: Մայր Աթոռ Սուրբ Էջմիածին դռները միշտ բաց են եղել միջազգային պատվիրակությունների առաջ, և այն դարձել է ոչ միայն հայության հոգևոր կենտրոն, այլև համաշխարհային քրիստոնեական ու միջկրոնական երկխոսության կարևոր հարթակ:

Այսպիսով՝ Վեհափառ Հայրապետի այցերը և միջազգային գործունեությունն ընդգծում են Հայ Առաքելական եկեղեցու համամարդկային առաքելությունը՝ միավորելու, հաշտեցնելու և համախմբելու տարբեր ժողովուրդների ու համայնքների: Այդ այցերը փաստում են նաև, որ հայոց հոգևոր առաջնորդությունը կարող է դառնալ ոչ միայն հավատքի և ինքնության պահպանման խորհրդանշ, այլև միջպետական և միջեկեղեցական հարաբերությունների կառուցման ու զարգացման ուժ:

Հայոց բանակ-Եկեղեցի կապը՝ Գարեգին Երկրորդ Վեհափառի գործունեության զարկերակ

← էջ 3

Հայրենյաց պաշտպանների հետ զրույցում Վեհափառ Հայրապետը մասնավորապես նշեց, որ հայ զինվորը մշտապես իր աղոթքներում է: Անդրադառնալով բանակ-Եկեղեցի կապին՝ Հայոց Հայրապետը ընդգծեց. «Տարակույս չունենաք, ինչպես անցյալում, այնպես և այսօր ու ապագայում հայ հոգևորականը լինելու է հայ զինվորի կողքին, լինելու է առաջնագծում»: Սահմանապահ զինվորականներին Ամենայն Հայոց Կաթողիկոսը հրավիրեց ծառայության ավարտին այցելելու Մայր Աթոռ Սուրբ Էջմիածին և հյուրընկալվելու Հայոց Հայրապետին:

2020 թ. 31 դեկտեմբերի

Ամանորի և Սուրբ Ծննդյան տոնի առիթով Ամենայն Հայոց Կաթողիկոսն իր օրհնությունն ու գնահատանքը բերեց «Իզմիրլյան» բժշկական կենտրոնում բուժում ստացող վիրավոր զինվորականներին: Կենտրոնի տնօրեն պրոֆեսոր Արմեն Չարչյանի ուղեկցությամբ Վեհափառ Հայրապետն այցելեց բոլոր հիվանդասեյակները՝ իր աղոթքը կատարելով հայրենիքի պաշտպանության սրբազան առաքելության ընթացքում վիրավորված քաջորդիների համար և հետաքրքրվելով նրանց ապաքինման ընթացքով ու առկա կարիքներով:

Նույն օրը Ամենայն Հայոց Կաթողիկոսը ՀՀ ԶՈՒ հոգևոր առաջնորդ Ս. Վրթանես եպիսկոպոս Աբրահամյանի ուղեկցությամբ այցելեց Հայաստանի հարավային ուղղությամբ տեղակայված N զորամասի մարտական դիրքեր:

Հայոց Հայրապետն իր օրհնությունն ու բարեմաղթանքները բերեց սահմանապահ զինվորականներին՝ մեծապես արժևորելով հայ զինվորի ու հրամանատարի անձնվեր ու անմնացորդ ծառայությունը հայրենիքին: Ջերմ զրույցի ընթացքում Վեհափառը ընդգծեց, որ Հայոց բանակը եղել և մնում է հիմնական երաշխավորը անկախ պետականության պահպանության և հայրենաբնակ մեր ժողովրդի պաշտպանության:

Նորին Սրբությունը հաստատեց, որ Արցախյան պատերազմում հայրենյաց պաշտպանների դրսևորած արի ոգին, մախանձախնդրությունը, անձնագոհ և եղբայրասեր կերպարը միայն հպարտության զգացումով են լցնում իր հոգին: Վեհափառը նաև աղոթքով հիշեց նրանց ծառայակից մահատակ եղբայրներին և այլևս պատմության մեջ արձանագրված նրանց սխրամբները, որոնք ուժ պիտի տան համայն մեր ժողովրդին՝ կերտելու հայրենիքի նոր, լուսավոր օրը:

Ամենայն Հայոց Կաթողիկոսը, սրբապատկերներ ընծայելով զինվորներին, անփորձանք և ապահով ծառայություն մաղթեց ամենքին՝ նշելով, որ մեր զինակազմները մշտապես Հայոց Հայրապետի և հայ եկեղեցականների աղոթքներում են:

2021 թ., 6 հուլիսի

Գարեգին Երկրորդ Ամենայն Հայոց Կաթողիկոսն այցելեց Արցախի պաշտպանության բանակի N զորամաս: Կաթողիկոսը հարգանքի տուրք մատուցեց Արցախի համար զոհված տղաների հիշատակին:

Իր խոսքում Գարեգին Երկրորդն ասաց. «Դժվարին ժամանակներ է ապրում համայն հայությունը: Արցախի դեմ Թուրքիայի և միջազգային ահաբեկչական խմբավորումների օժանդակությամբ՝ Ադրբեջանի սանձազերծած 44-օրյա պատերազմն իր հետևանքներով, պատճառած վնասներով ու ահռելի կորուստներով դեռ երկար ժամանակ ցավի ու տրտմության մեջ պիտի պահի մեզ, քանի դեռ չենք կարողացել գործունե միջոցներով հաղթահարել առկա ծանր իրավիճակը և փարատել ապագայի համդեպ անորոշության զգացումը: Առկա խնդիրներն ու մարտահրավերները մեր կյանքի իրենց լուծումները պիտի ստանան, երբ անխտիր ամենքս հետևություններ կատարենք ողբերգական այս կացության պատճառների վերաբերյալ»:

Վեհափառի խոսքով՝ հայ զորականի թի-



Ամարաս, 2021 թ., 5 հունիսի



Արցախ, 2016 թ., 6 սեպտեմբերի

կունքում ամենաթանկն են՝ հայրենի հողը, հայի ինքնությունը պայմանավորող սրբությունները և ընտանիքը. «Հայոց բանակը և հայ զինվորն է այսօր միակ երաշխավորը հայրենի պետականության, մեր ժողովրդի ազատ ու անկախ կյանքի, ձեր ընտանիքների ու սիրելիների անվտանգության ու երջանկության, ամեն ազգայինի հարատևության»:

Գարեգին Երկրորդը հիշեցրեց, որ Եկեղեցին մշտապես զորավիզ է եղել և այսուհետև պիտի զորավիզ լինի հայոց բանակին: Կաթողիկոսը «Պահպանիչ» աղոթքով օրհնեց ՊԲ հրամանատարներին և ներկա զինվորականներին:

2021 թ., 21 օգոստոսի

Գարեգին Բ Ամենայն Հայոց Կաթողիկոսը Վիեննայում հանդիպում ունեցավ Արցախյան վերջին պատերազմի ժամանակ ծանր վիրավորում ստացած զինվորների և նրանց ընտանիքների անդամների հետ, որոնք ս. թ. ապրիլից Մայր Աթոռ Ս. Էջմիածնի օրհնությամբ և Կենտրոնական Եվրոպայի Հայրապետական պատվիրակության հրավերով իրենց բուժումն են ստանում Ավստրիայի Կաթոլիկ Եկեղեցու հովանու ներքո գործող բարձրակարգ բժշկական հաստատություններում:

Վեհափառը հայրական իր օրհնությունը բերեց քաջարի զինվորներին և նրանց ընտանիքներին, ծանոթացավ վերջիններիս բուժման և պրոթեզավորման ընթացքին: Հայոց Հայրապետը գոհունակությամբ տեղեկացավ, որ ծանր վիրավորում ստացած զինվորներից երկուսը բարեհաջող վիրահատություններից, վերջույթների պրոթեզավորումից և վերականգնողական թերապիայից հետո արդեն վերադարձել են Հայաստան:

Հանդիպման ժամանակ Գարեգին Բ Ամենայն Հայոց Կաթողիկոսն աղոթք բարձրացրեց մեր բոլոր վիրավոր զինվորների համար՝

մաղթելով նրանց շուտափույթ ապաքինում, ոգու ամրություն և Աստուծո օգնականություն:

Չորամասեր և հոսպիտալներ հայրապետական այցերից զատ՝ պարբերական բնույթ են կրում Վեհափառի և ՀՀ ԶՈՒ բարձրագույն սպայական կազմի ներկայացուցիչների հանդիպումները Վեհարանում: Գարեգին Երկրորդ Հայրապետի զահակալության ընթացքում մկրտվել են հազարավոր զինծառայողներ, զորամասերում և մարտական դիրքերում կառուցվել են եկեղեցիներ, մատուռներ, պատերազմի զոհերի հուշակոթողներ ու խաչքարեր: ՀՀ Ձինված ուժերում կատարվել են բազմաթիվ եկեղեցական և պետական տոնական միջոցառումներ ու արարողություններ, զորամասերն ապահովվել են հոգևոր գրականությամբ: Տեղի են ունեցել Արցախյան 44-օրյա պատերազմին մասնակից եկեղեցականների պարզաբաշխություն, ՀՀ Ձինված ուժերի բարձրաստիճան սպաների պարգևատրումներ՝ Հայ Առաքելական Սուրբ Եկեղեցու բարձրագույն հայրապետական «Սուրբ Ներսես Ծնորիալի» շքանշանով, կազմակերպվել ՀՀ զինված ուժերի տարբեր զորամասերի զինվորների և սպայական զինվորների Մայր Աթոռի թանգարաններ: Այդ տարիներին՝ պատերազմներից հետո, կազմակերպվել են մի շարք բարեգործական ծրագրեր՝ հաջակցություն զինծառայողների, զոհվածների ու վիրավորների ընտանիքներին:

Ամենար է մեկ հողվածի սահմանում բոլորն ընդգրկելը կամ բոլորին անդրադառնալը. դրանք բազմաթիվ են ու բազմազան և կարող են դառնալ ստվարածավալ աշխատության մյուս հետագա հետազոտողների համար: Ուստի հիշատակենք բնութագրական ևս մի քանիսը:

Առանձնահատուկ արարողություններին են 2016 թվականին՝ Ս. Ծննդյան և Աստ-



Վեհափառը Եռաբլուրում, 2023 թ., 28 հունվարի

վածահայտնության տոնին հաջորդող օրերին, Մայր Աթոռի ջրօրհնյաց խաչը Հայաստանի և Արցախի զորամասեր տանելն ու այդ խաչով ողջ սահմաններն օրհնելը, ինչպես և հայոց բանակի պահապան Աշոտ Երկաթի Ս. Խաչը սահմանային զորամասեր տանելն ու մարտական դիրքերում օրհնության կարգ կատարելը:

2021 թ., հանդիսապետությամբ Ն. Ս. Օ. Տ. Տ. Գարեգին Բ Կաթողիկոսի, Ս. Գայանե վանքում կատարվել է Հանրապետական մաղթանք՝ հայրենիքի խաղաղության և ապահովության համար:

2020 թվականին՝ 44-օրյա պատերազմի ընթացքում, Գարեգին Բ Ամենայն Հայոց Կաթողիկոսը դիմել է պետությունների դեկլարների, միջեկեղեցական ու միջկրոնական կառույցների առաջնորդների՝ ցեղասպանական պատերազմի դադարեցման, Արցախի հոգևոր ու պատմամշակութային ժառանգության պահպանման համար՝ աշխարհի բրիտանական եկեղեցիների պետերի ուշադրությունը հրավիրելով Արցախում տեղի ունեցողի վրա: Ամենայն Հայոց Կաթողիկոսը նաև դիմում է ներկայացրել Համայն Ռուսիո Պատրիարք Կիրիլ Ա-ին և ՌԴ նախագահ Վլադիմիր Պուտինին՝ Դադիվանքի պահպանության համար: Արդյունքում ՌԴ իշխանությունները դիտակետ են տեղակայել Դադիվանքի հարևանությամբ՝ հնարավորություն ընձեռելով հայ հոգևորականներին շարունակելու իրենց սպասավորությունը, իսկ հավատացյալներին՝ մասնակցելու կիրակնօրյա պատարագներին:

Այսպիսով՝ Հայոց բանակն ու հայրենիքի անվտանգությունը Գարեգին Երկրորդ Ամենայն Հայոց Կաթողիկոսի հայրապետական գործունեության առանցքում են եղել մշտապես, և այսօր ու միշտ կլինի այդպես:

Երբ հավատքը գործ է դառնում...

← էջ 5

Այդ ծրագրերն էապես նպաստել են Հայաստանի, Արցախի և սփյուռքի հայ համայնքների բարօրությանը, դրանցից օգտվել են հազարավոր մարդիկ:

Օրինակ՝ 2014 թ. Ն. Ս. Ս. Օ. Ս. Տ. Պարեգին Բ Ամենայն Հայոց Կաթողիկոսի նախաձեռնությամբ ստեղծված Մայր Աթոռ Սուրբ Էջմիածնի Սոցիալական ծառայության գրասենյակը, որ մշակում և իրագործում է սոցիալական աջակցության և զարգացման ծրագրեր, նախընթաց՝ 2024 թվականին, իրականացրել է դրամական, իրային և բժշկական աջակցության մի շարք սոցիալական ծրագրեր՝ ընդհանուր առմամբ՝ 1 551 115 ԱՄՆ դոլարին համարժեք դրամի (608 037 073 ՀՀ դրամ) օժանդակություն՝ մասնավորապես 2023 թ. Արցախից տեղահանված և առնվազն 4 անչափահաս երեխաներ ունեցող ընտանիքներին, Վաղարշապատի վանքապատկան շենքերից մեկում ժամանակավորապես բնակություն հաստատած արցախցի 16 ընտանիքների, զոհված զինծառայողների, ինչպես նաև բազմազավակ և կարիքավոր ընտանիքների: Հայաստանյան տարբեր թեմերի միջոցով իրային աջակցություն է տրամադրվել 614 ընտանիքների (շուրջ 3000 անձ):

Նույն թվականին Մայր Աթոռի հովանու ներքո գործող Իգմիրյան ԲԿ-ն իրականացրել է կարիքավորների բժշկական աջակցության 4 ծրագիր, որի ընթացքում օգնություն է ցուցաբերվել 44-օրյա պատերազմի մասնակիցների, Սիրիայից փախստականների, «Հինվորի տուն» բարեգործական-հասարա-



Պարեգին Բ Կաթողիկոսի հայրապետական այցը Էջմիածնի ԲԿ-ի ծննդատուն, 2024 թ., 31 դեկտեմբերի

կական կազմակերպության պատերազմի հաշմանդամների և Արցախից բռնի տեղահանվածների, ընդհանուր՝ 132 անձի:

2020 թ. Մայր Աթոռ Սուրբ Էջմիածնի կողմից իրականացվել են ավելի քան 2 մլրդ 118 մլն ՀՀ դրամի բարեգործական ծրագրեր: Սոցիալական ծրագրերը հիմնականում ուղղված են եղել 44-օրյա պատերազմի հետևանքով ստեղծված աղետալի իրավիճակի և քաղաքական հետևանքների մեղմացմանը:

Մայր Աթոռ Սուրբ Էջմիածնի կողմից իրականացված և շարունակվող սոցիալական ծրագրերն ու դրանց ֆինանսական ծախսը հաշվետվողական են, հանրությանը հասանելի: Դրանք յուրաքանչյուր տարի ներկայացվում են Գերագույն Հոգևոր Խորհրդի

հաստատմանը, ապա իրատարակվում «Էջմիածին» պաշտոնական ամսագրում:

Բարեսիրական ծրագրեր Նորին Սրբությունը նախաձեռնում և իրագործում էր դեռևս մինչև Ամենայն Հայոց Կաթողիկոս օծվելը: Այսպես, տակավին Արարատյան Հարապետական թեմի առաջնորդական փոխանորդության տարիներին Գարեգին արքեպիսկոպոս Ներսիսյանի կողմից Հայաստանում հիմնադրվեցին բարեգործական ճաշարաններ, որոնց թիվը նրա հայրապետական գահակալության առաջին տարիներին հասավ 5-ի՝ մեկական Էջմիածնում և Վանաձորում, երեքը՝ Երևանում: Մինչև օրս այդ բարեգործական ճաշարաններում համապատասխան սնունդ են ստանում հայրուհիներ մարդիկ:

Կրթական ուղղվածությամբ հարկ է առանձնացնել Ն. Ս. Ս. Օ. Ս. Տ. Պարեգին Բ Ամենայն Հայոց Կաթողիկոսի նախաձեռնությամբ ու տնօրինությամբ ստեղծված և մինչ օրս գործող «Նազաշյան մանուկների տուն» (2012) և «Քյուրբջյան» (2018) երեխաների աջակցության կենտրոնները: Նազաշյան կենտրոնն աջակցում է առանց ծնողական խնամքի մնացած աղքատների՝ ապահովելով շուրջօրյա խնամք, կեցակայք, հոգալով նրանց սոցիալական ու կրթա-դաստիարակչական խնդիրները: «Քյուրբջյան» կենտրոնը գիշերօթիկ կենտրոն է ծնողազուրկ կամ

անապահով ընտանիքների տղա երեխաների համար. խնամքի տակ առնելով նրանց՝ կենտրոնն իրականացնում է խնամք ու դաստիարակություն, կազմակերպում նրանց կրթությունն ու զարգացումը մինչև չափահաս դառնալը:

Միայն վերջին տասնամյակում՝ 2014–2024 թթ., Մայր Աթոռ Սուրբ Էջմիածնի Սոցիալական բաժնի լայնածավալ ծրագրերի իրականացման համար ծախսվել է շուրջ 8 600 000 000 (ութ միլիարդ վեց հարյուր միլիոն) ՀՀ դրամ:

Այս թվով և Սոցիալական գրասենյակի գործունեությամբ բնավ չի սահմանափակվում Մայր Աթոռի բարեսիրական գործունեությունը: Հայտնի է, որ Մայր Աթոռ Սուրբ Էջմիածնի հովանու տակ գործում են մի շարք կրթական կենտրոններ՝ Գևորգյան հոգևոր ճեմարանը, Վազգենյան հոգևոր դպրանոցը, Թրեմանյան ընծայարանը, Կալկաթայի հայոց մարդասիրական ճեմարանը, Եօրենկյան դպրոցը և այլն, որտեղ ուսուցումն անվճար է, սնունդը, բժշկական օգնությունն ու հանդերձանը տրամադրվում են:

Ամփոփելով՝ մշեմ, որ Գարեգին Բ Կաթողիկոսի շուրջ քառորդադարյա գահակալության շրջանը նշանավորվեց նաև սոցիալական ծառայության ընդլայնմամբ: Մայր Աթոռ Սուրբ Էջմիածնի իր բուն առաքելությամբ հավատարիմ, դարձավ միաժամանակ մարդկային կարիքների արձագանքող և բարօրություն սերմանող ջահակիր ուժ:

Դավիթ սարկավազ ՍԵՐԳԵՅԵՆԿՈ
Հայկ ՃԱՏՈՒՐՅԱՆ

Խոհեր Պարեգին Բ Ամենայն Հայոց Կաթողիկոսի 2024—2025 թթ.

• Պատմական անբեկանելի ճշմարտություն է՝ մարտնչել Սուրբ Էջմիածնի դեմ նշանակում է մարտնչել հայոց ինքնության և գոյության դեմ, հարված հասցնել հայոց պետականությանը և հայ կյանքը պարպել ազգային ու հոգևոր բովանդակությունից:

• Այս բարդ իրավիճակի կարգավորման գործում հիմնական պարտավորությունն ու պատասխանատվությունը մերն են, հարկ է համախմբվել, զերծ պահել հայրենի մեր երկիրը նոր ցնցումներից ու կորուստներից, փարատել ապագայի շուրջ առկա տագնապներն ու մտահոգությունները, վերատեսության ենթարկել սխալ ու ազգավնաս ընթացքները, առավել ամրապնդել Հայաստան-սփյուռք հարաբերությունները, ներքաղաքական կյանքում սկիզբ դնել առողջ երկխոսության և ելքի ուղիների գտնել հայրենիքում մեր ժողովրդի ապահով ու անվտանգ կյանքի վերականգնման՝ մեզ ուղեկից դարձնելով արդարությունը, խիզախությունն ու ազնվությունը:

• Ով օծված է Սրբալույս Մյուռոնով, չի կարող ուրանալ անկախ հայրենիք ունենալու իր հայրերի երազները, հրաժարվել սեփական պատմությունից: Ով օծված է Մյուռոնով, չի կարող մերժել իր նախնյաց ժառանգությունը, նսեմացնել սրբագործված արժեքները, եղծել իր ազգային դիմագիծն ու իղձերը: Ով օծված է Սրբալույս Մյուռոնով, չի կարող անարգել ու արհամարհել հայրենակից ու բարեկամ իր քույրերին ու եղբայրներին, քանզի ասված է. «Ով չի սիրում իր եղբորը, որին տեսնում է, ինչպես կարող է սիրել Աստծուն, որին չի տեսել» (Ա Յովհ. 4.20): Ով օծված է Սրբալույս Մյուռոնով, կոչված է դառնալու ճշմարտության առաջամարտիկ, բարիքի կերտող և սիրո քարոզիչ: Եվ վերջապես, ով օծված է Սրբալույս Մյուռոնով, նա երկյուղած պիտի լինի միայն ու միայն Աստծու և աներկյուղ՝ թշնամիների ու սպառնալիքների առջև:

• Գիտությունն ու մարդկային հնարավորությունները մեր օրերում արագ են զարգանում, և առավել քան երբևէ, այսօր կարևորվում են ուսումն ու կրթությունը: Բոլոր

ժամանակներում, սակայն, գլխավորը մարդկային ոգին ու նկարագիրը կրթել է, այն ճշմարտության և բարու մեջ հաստատելը:

• Արդարև, գիտելիքը արարելու ուժ ու զորություն է, բայց այն բարիք է դառնում, երբ հաստատված է հոգևոր արժեքների ու բարոյական հիմքերի վրա:

• Պատմությունը պետք է վերանայել սխալները ճանաչելու և ուղղելու նպատակով, իսկ մեր երկրի ու հայրենի պետականության ապահով ներկան և մանավանդ ապագան կարող ենք կերտել՝ առ Աստված մեր հավատին և ավանդներին ու դրանցով ներշնչված մեր ազգային նկարագրին հարազատ ու հավատարիմ մնալով: Սա է մեր պատմության մատուցած գլխավոր դասը, որը երբեք չպիտի մոռանանք:

• Մեր ժողովուրդը հզոր է իր հերոսական անցյալով, չարի ու չարիքի դեմ պայքարի վճռականությամբ և նույն ոգով պիտի հեռացնի իր կյանքից ազգային շահերին հակառակ կործանարար դրսևորումները, առկա բարդ իրադրությունից ջանքերի մեկտեղումով ելքի ուղիներ գտնի և կերտի իր հաղթական ապագան:

• Հարուցյալ կյանքը, հիրավի, սկսվում է քրիստոսավանդ պատգամներով ապրելու վճռականությամբ, արհավիրքներից ու տառապանքներից դեպի կենսամորոգ ձեռքբերումներ առաջին քայլից: Այս գիտակցությունը, այս ոգին պիտի անցկուն պահենք մեզանում, չընկրկենք մեզ պատուհասած փորձությունների դիմաց, չգործենք պարտվողական հոգեբանությամբ և չվերածվենք վիատված ու տկար ազգի՝ վտանգելով մեր հայրենիքի ապագան և անկախ պետականությունը:

• Մեր ընթացքը չի վերջանում մեր մարտիրոսների ու քաջորդիների նահատակության վայրերում և ոչ էլ Արցախում թողնված շիրիմների մոտ: Չարի կողմից մեզ համար փորված գերեզմանը բոլոր ժամանակներում թափուր է մնալու, քանզի մենք Քրիստոսի հետ մեղությունները հաղթահարող և ամեն


գողգոթայից հարության հավատքով հառնող ժողովուրդ ենք:

• Մեր ժողովուրդը 21-րդ դարում վերստին կրեց կորուստներ, ենթարկվեց նոր փորձությունների, որոնք, ցավոք, անկարող եղանք հաղթահարելու աշխարհաքաղաքական բարդ իրադարձություններին, ինչպես նաև առաքելապատվեր բարության, արդարության ու ճշմարտության ճանապարհից խոտորվելու պատճառով: Բարությունը մեզանում աղճատվեց չարության ու նենգության որոններով, արդարությունն այլափոխվեց կողմնակալության ու հաշվեհարդարի դրսևորումներով, ճշմարտությունը խեղվեց ու խաթարվեց ստով ու չարահամար գործողություններով: Նման արատները նաև պատճառ դարձան մեր ազգի մասնատման, ուժերի ջլատման ու պարտությունների, կորուստների մեր սրբությունների և արժանապատվության: Այսպես Արցախը միայնակ մնաց իրեն պատած արհավիրքների օրերին:

• Աստծո հետ՝ ամեն մեղություն վերափոխվում է հաղթության, ամեն տառապանք՝ աստվածային հատուցման, ամեն դժվարություն՝ ուժի և զորության, և ամզան մահը՝ հավիտենության:

• Մեզ համար երբեք անցյալ չի դառնալու Արցախը, որը մենք շարունակելու ենք փայփայել մեր սրտում ու հոգում՝ ամենայն ջանք ի գործ դնելով արցախահայության իրավունքների պաշտպանության համար:

• Անտարակույս, մեր ժողովրդի հոգևոր ներուժն ու ոգու ամրությունը մեզ պիտի առաջնորդեն վերհաճումի և հայոց կյանքի հաղթական վերընձյուղման: Մենք ժառանգներն ենք մի ազգի, որ տառապել ու չարչարվել է, բայց չի հանձնվել, ցեղասպանվել է, բայց չի կործանվել, սրատվել է, բայց չի մահացել: Արդարև, չի կարող ընդհատվել պատմությունը մի ժողովրդի, որի



տարեգրությունը զարդարված է աստվածապաշտության և հայրենասիրության հրաշալի վկայություններով, ապրելու և արարելու անընդմիջելի տենչանքով:

• Փորձությունները հաճախ են պատահում ժողովուրդների կյանքում, սակայն դժվարին իրավիճակներից հաղթանակած են դուրս գալիս այն ազգերը, որոնք անկուն են մնում ոգով ու առ Աստված հավատքով և արիաբար դիմակայում մեղություններին ու մարտահրավերներին:

• Հայրենիքը այն միակ սրբազան վայրն է, որտեղ ամբարված են բոլոր ժամանակների հայ սերունդների աղոթքներն ու երազները, որտեղ շարունակ պիտի կերտվի հայոց ինքնությունը, և որի սրբազան հողից է հավետ ուժ առնելու հայ ժողովուրդը:

• Մայր Աթոռ Սուրբ Էջմիածինը Աստծո հետ մեր ժողովրդի հավերժական ուխտի խորհրդանիշն է, որ դրոշմված է ամեն հայի հոգում: ➔ էջ 11

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի Էկումենիկ և միջկրոնական գործունեությունը

← էջ 4

Դիմելով համաժողովի մասնակիցներին՝ Նորին Սրբությունն ընդգծեց. «Արցախի հոգևոր, մշակութային և պատմական ժառանգության պահպանության հարցն ավելի, քան երբևէ, հրատապ է այսօր, երբ Արցախի բռնի տեղահանված ժողովուրդը զրկված է սեփական հողի վրա ապրելու և արարելու, դարձնելու իր հավատքով կերտած մշակույթը պահպանելու և զարգացնելու իրավունքից: Ժամանակակից աշխարհում չպետք է հանդուրժվեն մարդկության ու մարդկայնության դեմ նման սոսկալի եղեռնագործություններ, ազատության, արդարության ու իրավունքի հիմնայունները խախտող արարքներ: Այո, ազգերի միջև հակամարտությունները պետք է կարգավորվեն խաղաղ ուղիներով, արդարությամբ ու փոխհամաձայնությամբ, ազգային ինքնության ու արժանապատվության հարգմամբ»:

2026 թվականին ամենամյա Քրիստոնեական միության աղոթքի շաբաթվա աղոթքի տեքստերը պատրաստվել են Մայր Աթոռ Սուրբ Էջմիածնում՝ օրհնությամբ Վեհափառ Հայրապետի: Այդ առիթով 2024 թ. հոկտեմբերին ԵՊՀ և Վատիկանի միջեկեղեցական խմբագրական հանձնախմբի հետ մեկտեղ Սուրբ Էջմիածնում միասնական խմբագրական աշխատանքներ են տարվել նյութի վրա, որը 2026 թ. հունվարին ողջ քրիստոնյա աշխարհը մեկ շաբաթ ընթերցելու է:

Գարեգին Բ Ամենայն Հայոց Կաթողիկոսի գահակալությունը նշանավորվեց ոչ միայն միջքրիստոնեական կապերի աշխույժ զարգացմամբ, այլև միջկրոնական երկխոսության նպաստման ուղղված հետևողական ջանքերով՝ հանուն աշխարհում մարդկության առջև ծառացած հիմնական դիրքերի լուծման ու խաղաղության տարածման: Այս պնդման հավաստիությունը հիմնավորում են բազմաթիվ փաստեր և իրողություններ: Դրանցից առաջինը 2000 թ. օգոստոսին Գարեգին Բ Ամենայն Հայոց Կաթողիկոսի ելույթն է ՄԱԿի հովանավորությամբ կազմակերպված «Հազարամյակի աշխարհի խաղաղության» կրոնապետերի գագաթնաժողովին, որին մասնակցել են աշխարհի կրոնական խճանկարը



Գարեգին Բ Կաթողիկոսը «Կրոնական ազատություն. հայկական հոգևոր, մշակութային և պատմական ժառանգության պահպանումը Արցախում/Լեռնային Ղարաբաղում» խորագրով միջազգային համաժողովում ելույթ ունենալիս, 2025 թ., մայիս, Բեռն

մերկայացնող շուրջ 3500 հոգևոր գործիչներ: «Չնայած վերջին հարյուրամյակում կատարված հանդիմանալի զարգացումներին ու առաջընթացին՝ դարը նշանավորվեց պատերազմներով, կոտորածներով, էթնիկական ու կրոնական հակասություններով և ընդհարումներով, մարդկային համատարած տառապանքներով: Արդյո՞ք այս ամենը չի վկայում միմյանց հասկանալու, մերելու և հաշտվելու մեր անկարողության մասին: Արդյո՞ք այս ամենն այն պատճառով է, որ մենք բոլոր շատ հաճախ հանձն չենք առնում պատասխանատվությունը մարդկության վշտերի համար: Արդյո՞ք մեր անհատական և հավաքական պարտականությունը չէ՝ արգելել բռնությունը, անտարբերությունն ու անհանդուրժողությունը» (Գարեգին Բ Կաթողիկոս Ամենայն Հայոց, Հատընտիր պաշտոնական (1999–2009 թթ.), Ս. Էջմիածին, 2010, էջ 201–202):

Միջկրոնական գործունեության մեջ հատկապես նշանակալից են Վեհափառ Հայրապետի եռակողմ հանդիպումները Մոսկվայի և Համայն Ռուսիո պատրիարքների և Ադրբեջանի մուսուլմանների հոգևոր առաջնորդ

Հեյն-ու-Խալամ Ալլահշուբյուր Փաշազադեի հետ: Նմանատիպ ձևաչափով հանդիպումներ տեղի են ունեցել 2000, 2003 (քառակողմ՝ մասնակցությամբ Վրաց Կաթողիկոս-պատրիարք Իլիա Բ-ի) և 2010 թվականներին: Հատկապես հատկանշական է 2010 թ. Վեհափառի կողմից գլխավորած պատվիրակության այցը Բաքու, որտեղ նա մասնակցեց կրոնապետերի համաշխարհային գագաթնաժողովին՝ նվիրված կրոնների և ավանդական արժեքների վրա համաշխարհային քաղաքացիական խնդիրների: Այս բոլոր հանդիպումների ընթացքում Վեհափառ Հայրապետը ջատագովել է ժողովուրդների խաղաղ համագոյակցությունը, փոխընդունելի որոշումների մշակումը և բացառապես բանակցային ճանապարհով խնդիրների լուծումը: Հայոց Հովվապետը մշտապես առաջ է մղել Արցախի ինքնորոշման և սեփական բնօրրանում ազատ ապրելու իրավունքը: Դժբախտաբար, քաղաքական վարչիվերումները բերեցին 2020–2023 թվականների ողբերգական դեպքերին, սակայն Ամենայն Հայոց Կաթողիկոսը եկեղեցու ոչ ներքին, ոչ էլ արտաքին գործունեության ոլորտից երբեք

դուրս չի թողել Արցախի և Արցախի ժողովրդի հիմնահարցերը: Ընդհակառակը, Վեհափառը շարունակում է հայրական հոգածության մեթոդ պահել իր բոլոր զավակներին՝ հոգալով նրանց ոչ միայն հոգևոր, այլև նյութական և իրավական խնդիրները:

2022 թ. դեկտեմբերի 22-ին Մայր Աթոռ Սուրբ Էջմիածնում, Ամենայն Հայոց Կաթողիկոսի օրհնությամբ, տեղի ունեցավ «Կրոնները ազգերի խաղաղ համագոյակցության երաշխիք» խորագրով գիտաժողովը՝ կազմակերպված Մայր Աթոռ Սուրբ Էջմիածնի և Իրանի Իսլամական Համրապետության դեսպանատան կապերի և մշակույթի կազմակերպության հետ համատեղ:

Ամփոփելով Նորին Սրբության միջեկեղեցական և միջկրոնական գործունեությունը՝ կարող ենք առանձնացնել հետևյալ երկու բանաձևումները, որ տրվել են Վեհափառ Հայրապետի կողմից և արտահայտում են նրա էկումենիկ ընկալումների առանցքը. «Բոլոր կրոնները փնտրում են խաղաղությունը երկնքի ու երկրի և առաքելություն ունեն փնտրելու խաղաղությունը մարդկանց մեջ» (Գարեգին Բ Կաթողիկոս Ամենայն

Հայոց, Հատընտիր պաշտոնական (1999–2009 թթ.), էջ 5–15): Վեհափառ Հայրապետն այդ հիման վրա առաջադրում է կայուն, խաղաղ և մերդաշնակ աշխարհակարգ ստեղծելու մանրակերտ, որը նա բնութագրում է որպես մարդկության «կորուսյալ դրախտի» վերականգնում:

Իսկ միջեկեղեցական ասպարեզում Հայ եկեղեցու դերի մասին այսպես է արտահայտվել Վեհափառը. «Մենք փոքր ազգ ենք, սակայն եկեղեցական հարաբերություններում մեր կեցվածքը բնորոշ է զորավոր եկեղեցիներին և զորավոր ազգերին: Փոքր ազգերին բնորոշ է ամփոփված մնալը՝ պահելու համար իրենց արժեքները, իրենց ավանդությունները... Մեր կյանքն ու գործունեությունը բնորոշ են մեծ և զորավոր ուժեր ունեցող ազգերին: Այդ ուժը մենք ստանում ենք Տիրոջից, Նրա հանդեպ ունեցած մեր հավատից: Չենք կարող մեր ճանապարհը շարունակել, եթե այն Աստուծո կամքը չլինի» («Էջմիածին», 2007, ԺԱ, 54–55):

Այսպիսով՝ Գարեգին Երկրորդ Ամենայն Հայոց Կաթողիկոսի միջեկեղեցական և միջկրոնական գործունեության ողջ ընթացքում կենտրոնական տեղ են զբաղեցրել ոչ միայն հոգևոր-կրոնական թեմաները, այլև Հայոց ցեղասպանության ճանաչման ջանքերը, Արցախի իրավունքների պաշտպանությունը, հայի ու հայկական պահպանությունը: Նորին Սրբության օրոք եկեղեցին իր արտաքին քաղաքականությունը ևս վարել է ազգային ու հոգևորի՝ միմյանց հետ սերտորեն կապված առաջադրանքներով:

Իր հարյուրավոր պաշտոնական հանդիպումներում՝ լինեն դրանք կրոնական թե պետական առաջնորդների, միջազգային դեսպանների կամ հասարակական գործիչների հետ, Վեհափառը բարձրաձայնել է բոլոր այն խնդիրները, որ հուզում են հային ու Հայաստանին: Նորին Սրբության գահակալության օրոք Մայր Աթոռը դարձել է հայության արդար ծայրը համայն աշխարհում, որը լսելի է անգամ աշխարհի այն անկյուններում, ուր երբեք հայության հարցերը չեն բարձրաձայնվել:

Էդվարդ սարկավազ ԶԵՇԻՇՅԱՆ
Սոմա ԶԵՇԻՇՅԱՆ

Խոհեր Գարեգին Բ Ամենայն Հայոց Կաթողիկոսի 2024—2025 թթ.

← էջ 10

• Չկա Սուրբ Էջմիածին առանց հայության, և չկա հայություն առանց Սուրբ Էջմիածնի:

• Առելությամբ ու թշնամանքով բարիք չի ծնվի, բռնաճնշումներով երկիր չի կառուցվի, սպառնալիքի ու վախի մթնոլորտում արդարություն ու համերաշխություն չեն հաստատվի:

• Ժողովուրդը կարող է հաղթանակել, երբ միաբանված է մեկ նպատակով, մեկ ձգտումով ու բաղձանքով:

• Մշակութային ժառանգության նկատմամբ իրականացվող ոճիրները ոչ միայն մեկ ազգի, այլև համամարդկային արժեքների դեմ հանցագործություն են:

• Յուրաքանչյուր հաղթանակ ձեռք է բերվում հավատքով, անդուլ մաքառումով և փորձությունների դիմակայումով:

• Հայոց ցեղասպանության դատապարտումը Հայտի սահմանափակի սոսկ հուշարձանների մոտ համախմբումով, այլ Հայտի գործադրված հետևողական քայլեր՝ մեր ժողովրդի հանդեպ արդարությունը վերականգնելու և կանխելու նման ողբերգությունները: Առանց այսօրինակ հանցագործությունների դատապարտման, առանց պատմական արդարության հետ առերեսվելու՝ հնարավոր չէ խաղաղություն հաստատել ազգերի և պետությունների միջև և սերունդներին փոխանցել լուսավոր ապագա:

• Մեր արդար Դատի պահանջատիրությունը չունի իր մեջ ատելություն ու թշնամանք: Պահանջատիրությունը ցուցիչ է ազգային մեր արժանապատվության և հարացույցը՝ մեր սուրբ նահատակների նկատմամբ հարգանքի ու նրանց հիշատակի առջև մեր խոնարհումը: Պահանջատիրությունը

մեր պատասխանատվությունն է գալիք սերունդների առջև:

• Մեր նախնյաց ժառանգության նկատմամբ հավատարմությունը, համազգային համերաշխությունն ու հայրենիքի հանդեպ պարտքի բարձր գիտակցությունը երաշխիք են մեր ազգի հարատևության և անկախ պետականության գոյության:

• Մենք Տիրոջ Հարության շնորհի ժառանգորդներն ենք և այդ անխախտ հավատով ի զորու ենք մեր տառապանքներն ու կորուստները վերափոխելու ազգային վերածննդի:

• Յուրաքանչյուր հավատացյալի աստվածահաճ կենցաղավարությամբ է նաև, որ հավելվում է մեր ժողովրդի ներուժը՝ Տիրոջ ապավինած դիմագրավելու առկա մարտահրավերներին և դառնալու զորեղ ազգ ու պետություն:

• Զինվորականների արիասիրտ ծառայության և սխրանքների ամուր հիմքը միշտ եղել և մնալու են հայրենիքի հանդեպ սերն ու նախաձեռնությունները, ազգային արժեքների նկատմամբ հավատարմությունը:

• Աստվածամերժ ընթացքները մարդկությանը կանգնեցնում են չարիքների և կործանարար սպառնալիքների առջև:

• Ամերիկա մնալը մեր պատմությանն ու արժեհամակարգին հավատարմության մեջ, անխաթար պահպանման մեր ինքնությունը, ինչը կարևոր է մեր սերունդի ոգու և գիտակցության կերտման, մահ աշխարհում մեր պետության և ժողովրդի հեղինակության ամրապնդման, ազգային իրավունքների պաշտպանության համար:

«Քրիստոնյա Հայաստան»

Գարեգին Երկրորդ Կաթողիկոսի եկեղեցաշեն գործունեությունը

← էջ 2

2. Մասյացունի թեմ. Արտաշատի Ս. Զովհաննես Ավետարանիչ եկեղեցի, Մասիսի տարածաշրջանի Դաշտավան գյուղի Ս. Աստվածածին եկեղեցի, Դվինի Ս. Զարուքյուն եկեղեցի, Մասիս քաղաքի Ս. Գևորգ եկեղեցի, Մասիս քաղաքի Ս. Թադեոս եկեղեցի, Մարմարաշենի Ս. Գևորգ եկեղեցի, Նորաբացի Ս. Աստվածածին եկեղեցի, Վեդիի Ս. Աստվածածին եկեղեցի:

3. Շիրակի թեմ. Գյումրիի Ս. Զակար Մծբնեցի եկեղեցի, Գտաշենի Ս. Կարապետ եկեղեցի, Եղնաջրի Ս. Սարգիս եկեղեցի, Ջուլգաղբյուրի Ս. Խաչ եկեղեցի, Կաթավասարի Ս. Նարեկ եկեղեցի, Կրասարի Ս. Բարսեղ եկեղեցի, Դարիբջանյանի Ս. Զոգի եկեղեցի, Շիրակավանի Ս. Աստվածածին եկեղեցի:

4. Արթիկի թեմ. Լեռնակերտի Ս. Վարդան (Սրբոց Վարդանանց) եկեղեցի:

5. Գուգարաց թեմ. Ավազգյուղի Ս. Գրիգոր Նարեկացի եկեղեցի, Սպիտակի Ս. Զարուքյուն եկեղեցի, Վանաձորի Ս. Գրիգոր Նարեկացի եկեղեցի, Վանաձորի Ս. Սարգիս եկեղեցի, Տաշիրի Ս. Սարգիս եկեղեցի:

6. Արմավիրի թեմ. Մայր Աթոռի տարածքում Սրբոց Զրեշտակապետաց եկեղեցի, Աղավնատում գյուղի Ս. Աննա եկեղեցի, Արմավիր քաղաքի Ս. Գրիգոր Նարեկացի եկեղեցի, Դալարիկի Ս. Վարդան եկեղեցի, Մեծամոր քաղաքի Ս. Ղազար եկեղեցի:

7. Սյունյաց թեմ. Կապանի Ս. Մեսրոպ Մաշտոց եկեղեցի, Շինուհայրի Ս. Գրիգոր Տաթևացի եկեղեցի, Դավիթ Բեկ գյուղի Ս. Գայանե եկեղեցի, Շաքիի Ս. Աստվածածին եկեղեցի, Տոլուսի Ս. Զեփիսիմե եկեղեցի, Դարբասի Ս. Ստեփանոս եկեղեցի:

8. Արագածոտնի թեմ. Նոր Եդեսիայի Ս. Աստվածածին եկեղեցի, Չքմաղ գյուղի Ս. Ստեփանոս եկեղեցի, Առինջ գյուղի Ս. Աստվածածին եկեղեցի, Բերքառատի Ս. Նշան եկեղեցի, Ղազարավանի Ս. Նարեկ (Սուրբ Գրիգոր Նարեկացի) եկեղեցի, Ագարակի Ս. Աստվածածին մատուռ, Արտաշավանի «Սուրբ Խաչ» հուշարձան և «Հույսի խորան» Սրբոց Զրեշտակապետաց եկեղեցի, Գեղարիորի Ս. Գրիգոր Լուսավորիչ եկեղեցի, Վերին Սասնաշենի Ս. Վարդան եկեղեցի, Շենավանի Ս. Ամենափրկիչ եկեղեցի:

9. Կոտայքի թեմ. Արմավան քաղաքի Ս. Զովհաննես Մկրտիչ եկեղեցի, Առինջ գյուղի Ս. Աստվածածին եկեղեցի, Գառնիի Ս. Խաչ եկեղեցի, Եղվարդի Ս. Սարգիս եկեղեցի, Թեղենիքի Սրբոց Նահատակաց եկեղեցի, Նոր Զաճնի Ս. Ամենափրկիչ եկեղեցի:

10. Գեղարքունյաց թեմ. Գետիկ գյուղի Ս. Գրիգոր Նարեկացի եկեղեցի, Թթուզոր գյուղի Ս. Աստվածածին եկեղեցի, Մեծ Մասրիկի Ս. Աստվածածին եկեղեցի, Սևան քաղաքի Սրբոց Զրեշտակապետաց եկեղեցի, Վաղաշենի Ս. Գրիգոր Նարեկացի եկեղեցի, Վարդենիկի Սրբոց Զրեշտակապետաց եկեղեցի:

11. Վայոց ձորի թեմ. Վայքի Ս. Տրդատ եկեղեցի, Ջերմուկի Ս. Գայանե եկեղեցի, Կեչուտի Ս. Գայանե մատուռ, Մալիշկա գյուղի Սուրբ Աննա եկեղեցի, Աղավնաձոր գյուղի Ս. Աստվածածին եկեղեցի, Ելիհինի Ս. Սարգիս եկեղեցի:

12. Տավուշի թեմ. Բերդ քաղաքի Ս. Զովհաննես Առաքյալ եկեղեցի, Իջևան քաղաքի Ս. Ամենափրկիչ եկեղեցի, Իջևանի Սրբոց Նահատակաց բաց խորան, Կողբ գյուղի Ս. Զովհաննես եկեղեցի, Նոյեմբերյան քաղաքի Սուրբ Աննա եկեղեցի:

13. Արցախի թեմ. Ստեփանավերտի Աստվածամոր Սուրբ Զո-



Գարեգին Երկրորդ Կաթողիկոսը Սուրբ Սարգիս վանական համալիրի շինարարական աշխատանքներին ծանոթանալիս, 2024 թ., 20 ապրիլի

վանի Մայր տաճար, Ստեփանավերտի Ս. Զակար եկեղեցի, Աղավն գյուղի Սրբոց Նահատակաց եկեղեցի, Ասկերան քաղաքի Ս. Աստվածածին եկեղեցի, Մարտունի քաղաքի Ս. Ներսես Մեծ եկեղեցի, Զարուքյունագոմեր գյուղի Ս. Սարգիս եկեղեցի, Եղցահող գյուղի Ս. Սարգիս եկեղեցի, Ջազիկ (Նոր Ջազիկ) գյուղի Ս. Անտոն եկեղեցի, Մեծ Շեն գյուղի Ս. Գևորգ եկեղեցի, Վաղուհաս գյուղի Ս. Մարիամ Աստվածածին եկեղեցի, Ներքին Զոռաթաղ գյուղի Ս. Գևորգ եկեղեցի, Քարազուխ գյուղի Ս. Զովհաննես Մկրտիչ եկեղեցի:

Գարեգին Երկրորդ Վեհափառի գահակալության տարիներին բազմաթիվ եկեղեցիներ են կառուցվել, հիմնանորոգվել կամ մասնակիորեն վերանորոգվել նաև Հայաստանյայց Առաքելական Սուրբ Եկեղեցու արտասահմանյան թեմերում: Նրա հովվապետության օրոք է կառուցվել սփյուռքի ամենամեծ հայկական եկեղեցին՝ Մոսկվայի հայկական եկեղեցական համալիրը: Եկեղեցիներ են կառուցվել Ռուսաստանում, Վրաստանում, ԱՄՆ-ում, Բելառուսում և այլ երկրներում:

Գարեգին Երկրորդ Կաթողիկոսի եկեղեցաշեն գործունեության պսակը Մայր Աթոռ Սուրբ Էջմիածնի վանական համալիրի ու շրջակա տարածքի կառուցապատումն ու բարեկարգումն է՝ ժամանակակից կյանքի պայմաններին համահունչ: Տարբեր ժամանակաշրջաններում Հայոց կաթողիկոսների կողմից ձեռնարկված և իրականացված Մայր Աթոռի բարեկարգման և հոյակերտ կառույցներով համալրման աշխատանքները մոր թափով շարունակվեցին նրա գահակալության տարիներին: Այսպես, 2001 թ. կառուցվել է Մայր Աթոռ Ս. Էջմիածնի Ս. Տրդատ բաց խորանը՝ ի նշանավորումն Հայաստանում քրիստոնեության ընդունման 1700-ամյակի և հովանավորությամբ ազգային բարերար Լուիզ Մանուկյան-Սիմոնի: Խորանի վրա կատարվում են եկեղեցական մեծ միջոցառումներ, ինչպես օրինակ՝ 2001, 2008, 2015 և 2024 թթ. Մյուռնոօրինության արարողությունները: Խորանի արևմտյան կողմում լայնարձակ հրապարակ է նախատեսված ավելի քան 1500 հոգու համար:

2005–2008 թթ. կառուցվել է Դիվանատունը, որի ճարտարապետներն են Ա. Ավագյանն ու Ա. Փափազյանը: Դիվանատունը կառուցվել և կահավորվել է ամերիկաբնակ հայտնի բարերարներ Նազար և Արտեմիա Նազարյանների նվիրատվությամբ: Այստեղ են գտնվում Դիվանատան և Կաթողիկոսարանի վարչական գրասենյակները:

Գարեգին Երկրորդ Կաթողիկոսի նախաձեռնությամբ Մայր Աթոռում 2008 թ. կառուցվեց Ս. Վարդան

և Ս. Զովհաննես Մկրտիչ մկրտարանը, որի ճարտարապետներն են Զ. Թորոսյանը և Ռ. Ջուլիսկյանը, իսկ 2007–2011 թթ. կառուցվեց Սրբոց Զրեշտակապետաց եկեղեցին: Գևորգյան հոգևոր ճեմարանի հարևանությամբ կառուցված այս եկեղեցու բարերարն է «Հորիզոն 95» շինարարական ընկերության տնօրեն Գագիկ Գալստյանը, իսկ ճարտարապետը՝ Ջիմ Թորոսյանը: 2011 թ. նոյեմբերի 5-ին՝ Ս. Զրեշտակապետաց տոմին, Մայր Աթոռ Ս. Էջմիածնում, Ն. Ս. Օ. Ս. Տ. Գարեգին Բ Շայրագոյն Պատրիարք և Ամենայն Հայոց Կաթողիկոսի հանդիսապետությամբ, տեղի ունեցավ Սրբոց Զրեշտակապետաց եկեղեցու օծման արարողությունը: Ս. Զրեշտակապետաց եկեղեցուն են կատարվում ճեմարանականների մասնակցությամբ ամենօրյա ժամերգությունները և Սուրբ Պատարագի արարողությունները:

Ս. Զրեշտակապետաց եկեղեցուց հարավ 2009–2012 թթ. վեր հանեց «Վաչե և Թամար Մանուկյան» Մատենադարանը: Այն Մայր Աթոռի տարածքում գործող և ժամանակակից պահանջներին համապատասխան մատենադարանագրադարան է: Մատենադարանը մտահոգմամբ և արտաքին տեսքով հորինվածքային ամփոփական կապի մեջ է շրջակա կառույցների հետ: Կառուցման մեկնման է լոնդոնաբնակ հայտնի բարերար Վաչե Մանուկյանը, ճարտարապետը՝ Արտակ Դուլյանը: Կառուցումն ավարտվել է 2012 թ., իսկ շենքի հանդիսավոր բացումը տեղի է ունեցել նույն տարվա հոկտեմբերի 18-ին: Կառույցը, բացի գրադարանային հարմարություններից, ունի նաև գիտաժողովների գեղեցիկ սրահ և հանդիսությունների դահլիճ: Հանդիսությունների դահլիճը, ըստ էության, բաղկացած է երկու հարակից կառույցից՝ դահլիճից և երկհարկ օժանդակ կամարակապ սրահից: Մատենադարանում պահվում է հայագիտական 90 000 միավոր գրականություն: Այստեղ նաև հավաքված են Աստվածաշնչի բոլոր հայերեն հրատարակությունները (1666 թվականից առայսօր): Մատենադարանում են պահվում նաև հայ մշակույթի մի շարք երախտավորների անձնական գրքային հավաքածուները: Մատենադարանն ունի շուրջ 700 միավոր հնատիպ գիրք, որոնց մեծամասնությունը ձեռք է բերվել 2002–2025 թթ.:

2019 թ. սեպտեմբերի 18-ին տեղի ունեցավ հիմնանորոգված Վեհարանի, Սրբոց Հայրապետաց մատուռի և նորակառույց հանդիսությունների սրահի բացումը: Վեհարանի հիմնանորոգման և բարեկարգման աշխատանքներն սկսվել էին տակավին 2010 թ.: Այսօր Վեհարանը, բարեարդությամբ

գործարար և բարեգործ Սամվել Կարապետյանի և իր ընտանիքի, ներկայանում է Ամենայն Հայոց կաթողիկոսներին վայել վսեմությամբ:

2001 թ. ամբողջովին վերանորոգվեցին սարկավազաց կացարանները, որտեղ ապրում են Մայր Աթոռի միաբան սարկավազները: Նույն թվականի ապրիլի 25-ին պաշտոնապես բացվեցին մոր ննջարանները: Վերանորոգումը կատարվել է ամերիկաբնակ բարերարներ Նազար և Արտեմիա Նազարյանների նվիրատվությամբ: Ավելի ուշ՝ 2013 թ., հիմնանորոգվեց «Երեմյան խցեր» միաբանական շենքը: Վերանորոգումն իրականացվել է Էդուարդ և Ժանետ Մարտիրոսյանների նվիրատվությամբ:

Ամենայն Հայոց Կաթողիկոս Գարեգին Բ-ի կողմից կառուցվեց Մայր Աթոռի միաբանական մոր կացարանը՝ Հայ եկեղեցու մեծ բարերար Ռիչարդ Մանուկյանի մեկնասությամբ, որի հիմնարկեքը կատարվել է 2002 թ. օգոստոսի 31-ին: Այն ձգվում է Ղազարապետի հարավային երկայնքով: Բաղկացած է 82 կացարանից, մյուս մասում վարչական և խոհանոցային սենյակներն են: Ճաշասրահները բաժանված են երեք մասի: Առաջին սրահը, որն ամենամեծն է, ճեմարանականների ամենօրյա և հանդիսավոր ճաշերույթների համար է, մյուս՝ քիչ ավելի փոքր սրահը՝ սարկավազաց, իսկ փոքր սրահը ձեռնադրյալ հոգևորականների ճաշասրահն է:

2007–2009 թթ. կառուցվեց Վեհարանի հարավային՝ պաշտոնական այցելությունների դարպասը: Դարպասի ճարտարապետական հորինվածքի մշակումն ու շինաքարի ընտրությունը պայմանավորված էին ինչպես Վազգենյան մուտքի ճարտարապետությամբ, այնպես և հարակից «Խրիմյան» թանգարանի պատմական պատկերին մերդաշն միջավայրի ստեղծմամբ: Մուտքի կառուցման ծախսերը հոգացել են Պետրոս և Ռիթա Ալադյանները: 2012 թ. «Վաչե և Թամար Մանուկյան» Մատենադարանի հարավային կողմում կառուցվեց Թարգմանչաց մուտքը: Այն Մայրավանք մտնող մեքենաների ու այցելուների հիմնական մուտքն է: Կառուցված է նույն քարով, ինչ Մատենադարանը, և գտնվում է վերջինիս հետ համադրության մեջ:

Գարեգին Բ Ամենայն Հայոց Կաթողիկոսի ջանքերով 2015 թ. կառուցվեց նաև ստալինյան բռնատիրության զոհ հոգևորականների հուշապատը: Այն ինքնին երեք մակարդակի վրա լուծված՝ 2.2 մ շառավղով կամարների ճարտարապետական համակառույց է: Ամեն մի կամար իր կենտրոնով անցնող հորիզոնական տրամագծի առանցքում ունի պատվանդան, որի վրա դասավորված են տարբեր չափի խաչքարեր: Առաջին հարկի կամարների կենտրոնական քառակուսիների վրա բռնադատված հոգևորականների անուններն են փորագրված: Պետք է նկատել, որ ստալինյան բռնապետության զոհերին նվիրված մեծ բազմաթվանդակ ստեղծագործություն մինչ այդ չէր իրականացվել:

1999–2019 թթ. մի քանի անգամ վերանորոգվեց «Ալեք և Մարի Մանուկյան» զանգատունը, ուր բացվեց նաև ձեռագրերի ցուցադրության սենյակ: Առանձին սրահում ցուցադրվում են այն իրերը, որոնք Հայ Առաքելական Եկեղեցուն են նվիրել հյուրերը, այցելուներն ու հավատացյալները:

2007–2008 թթ. Գարեգին Երկրորդ Կաթողիկոսի օրհնությամբ

հիմնովին վերանորոգվեց ու կահավորվեց «Խրիմյան» թանգարանը, իսկ 2012–2013 թթ. Մայր Աթոռի նախկին սեղանատան տեղում հիմնվեց Ռուբեն Սևակի անվան թանգարանը, ուր ցուցադրված են շուրջ 200 բացառիկ, արժեքավոր կտավներ, ինչպես նաև 1915-ի Հայոց ցեղասպանության նահատակ բանաստեղծ և բժիշկ Ռուբեն Սևակի ածխանկարները, անձնական իրերն ու փաստաթղթեր, պատմական ցուցամուշտեղներ:

2017 թ. Գարեգին Երկրորդ Հայրապետի նախաձեռնությամբ և տնօրինությամբ սկսվեցին Սուրբ Էջմիածնի Մայր Տաճարի ամրակայման և հիմնանորոգության աշխատանքները (հիմնանորոգման աշխատանքներն ընթացել են շուրջ 12 տարի՝ սկսած 2012 թվականից), որոնք ավարտվեցին 2024 թ.: Նույն թվականի սեպտեմբերի 29-ին՝ Վարագա Սուրբ Խաչի տոմին, Ամենայն Հայոց Կաթողիկոսի ձեռամբ օրհնված Սրբալույս Մյուռնոմ, որը Ն. Ս. Օ. Ս. Տ. Գարեգին Երկրորդի օրհնած 4-րդ Մյուռնոն է, օծվեց Մայր Տաճարի Ավագ Խորանի Սուրբ Սեղանը, և մատուցվեց Հայրապետական Սուրբ Պատարագ:

2025 թ. հուլիսի 27-ին՝ մեր Տեր Հիսուս Քրիստոսի Պայծառակերպության տոմին, Մայր Աթոռ Սուրբ Էջմիածնում, նախագահությամբ Ն. Ս. Օ. Ս. Տ. Գարեգին Երկրորդ Ամենայն Հայոց Կաթողիկոսի, տեղի ունեցավ Մայր Տաճարի շրջաբակում կառուցված Կաթողիկոսական դամբարանի և մոմավառության աղոթարարի բացման արարողությունը: Կաթողիկոսական դամբարանը և մոմավառության աղոթարարը կառուցվել են ազգային բարերար, հոգեւոյս Գառնիկ Յակոբյանի և տիկին Անահիտ Չաթալպաշյան-Յակոբյանի հովանավորությամբ: Գարեգին Երկրորդի եկեղեցաշեն գործունեությունը վերստին ու առիավետ փաստում է, որ Հայ Առաքելական Եկեղեցին մշտապես եղել ու մնում է հայ ազգին համախմբող, ազգապահպան հոգևոր-մշակութային և ինքնութեամբական մշտական ու անասամ կենտրոն:

Արման ՄԱՆՈՅԱՆ, պ. գ. թ.

ՔՐԻՍՏՈՆՅԱ ՔԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Նարինե Զովհաննիսյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին
Հեռախոս՝ (010) 517 280

Էլ. փոստ՝
qristonyahayastan1@gmail.com
qristhay@etchmiadzin.am

web կայք՝
krishayas.wordpress.com
etchmiadzinlibrary.am/en/
kristonya-hayastan

Ստոր. տպագր. 15.08.2025 թ.
Տպաքանակը՝ 1265